

武寧縣志卷之二十三

武寧縣知縣滇南李

寓賢

古今昏旦乾坤逆旅得人而傳地無常主玉枕之麓修江之渚半榻雲山一船風雨昔賢所經猶存殘矩柳旣名峯蘇亦有圖遠近相望或出或處光被泉石芳流萇楚千載匪遙遺跡可數憑弔在茲尚其欽而志寓賢

〔寓〕

柳渾字惟深

本傳字夷曠本名載

河東人天寶初擢第除浙江衢州

司馬棄官隱武寧山中築精舍讀書羣公交書走幣皆

謝絕不就後徵拜監察御史乃起仕至中書門下同平

章事封宜城伯謚曰貞後人遂名其棲隱處曰柳山州



按柳渾舊志訛作柳惲據柳柳州集改正 梁志

按唐書本傳載渾梁僕射六世孫後家襄州早孤天

寶初擢進士第調單父尉累除衢州司馬棄官隱武

寧山 輿地紀勝云柳山在武寧縣西唐史柳渾棄官隱居武寧山即此有讀書臺遺址尚存 召

拜監察御史大歷初江西魏少游表為判官俄遷袁

州刺史又路嗣恭嘗表為豐城令見府志名宦

柳識字方明 一作萬明 渾母兄官屯田郎中集賢殿學士工文

章與蕭穎士元德秀劉迅齊名天寶中同渾隱武寧詩

酒自適士人欽慕之

表倩字容鄉絳州聞喜人宰相裴光庭子官度支郎中初

違河洛之難以其族行浮彭蠡泝修江至於武寧與柳

渾諸人為塵外交倩子郇國公均時蓋從遊焉

蕭定字梅臣蘭陵人宰相瑀曾孫累官太常卿天寶末明

皇西幸聞柳裴諸公隱武寧乃巾車來遊相與賦泉題

石毫墨未乾傳詠已遍同時如秘書少監范陽盧虛舟

左庶子隴西李勛給事中汝南袁高將作監河南元巨

俱宿德重望咸棲遯山中修水數百里內詩筒遊屐後

先絡繹可謂一時之盛 俱見海昏集

張寧字康叔洛陽人登進士德宗建中間陞國子祭酒立

朝蹇諤忤盧杞棄官慕柳渾之風來武寧至紫鹿岡青

牛洞慨然曰紫鹿青牛非方外人不可狎乃止居焉今

武寧張氏皆寧後也 馮志

王權九江德安人唐天復進士歷官兵部尚書晉天福三

年遣使契丹權以老病辭晉主怒停其官遂隱於武寧  
蘆桐坪今武邑王氏多其後裔

梁志

宋

韓魏國公琦相州人天聖五年與邑人葉顧言同登王堯  
臣榜顧言爲名進士琦訪諸南鄉及縣治登四望山芙  
蓉萬疊雲樹千層心目爲之駭宕遂建四望亭賦詩志  
之有西北雲高拂女牆危亭虛豁望中長之句刻劃精  
工殊非泛響全詩載藝文

周惇頤字茂叔號濂溪道州人主簿分寧時往來修水嘗  
留邑中講學邑人因建尊賢坊以誌仰慕焉

舊志

黃庭堅字魯直號山谷分寧人與邑處士鄭郊老禪法安  
輩友善數相過從詩酒流連彌月不去凡靈巖秀谷多

所題咏至今遺跡尙存

山谷集

蘇軾字子瞻號東坡眉州人嘗訪山谷於分寧復由武寧  
如富川邑西鄉有三賢墩以濂溪東坡山谷得名舊有  
三賢堂今廢

李綱邵武人以紹興五年除江西安撫制置大使知洪州  
嘗沂修水臨艾城登四望山山舊有亭建自韓魏國公  
琦公流連四望南有柳岳北有神童西有羅峯東有石  
鏡修江中流如練繚繞亭麓遂不忍斯亭之圯也命邑  
人葺而新之至今猶存勝蹟云

按西江古蹟註韓琦四望亭詩云李綱過武寧城西  
喜其山川之秀命立亭名四望琦屬北宋綱屬南宋  
詩作於前亭建於後何其謬也今訂正之綱重葺者

近是

費本良江夏人官隆興路通判奉諭鎮守涇濱見山川秀麗土田腴美遂家涇濱爲武寧費氏始祖遺風習習然自近及遠至今未艾紹興辛未進士費義皆公族也

李文定公燔字敬子海昏人接壤豫寧師事朱紫陽講學

宏齋以道自任進士李自得嘗迎公主講艾城學者皆

宗之邑東李氏嘗構三壘以待公遺址尙存壘曰柏壘松壘鶴壘

謝枋得字君直號登山弋陽人宋寶祐間中經義科咸淳

五年謫居興國軍德祐乙亥恭帝蒙塵乃棄家遠遊復

入九宮山與黃冠雜處時或擊劍悲歌人莫能測也有

詩見藝文

元

戴復古戴麓字復古又字式之號石屏工詩江湖四子之一也未遇

時流寓武寧有某翁愛其才妻以女留三年始歸其妻

死節事詳列女元史有辨詳古蹟

揭傒斯字曼碩豐城人元延祐初爲國史編修前後三入

翰林追封豫章郡公謚文安少處窮約成宗大德間出

遊湘漢道經武寧至太平山愛其林巒幽邃讀書道觀

中有太平山雜咏載藝文

范梈號德機臨江清江人耽詩工文用力精深以朝臣薦

爲翰林院編修官後出爲湖南嶺北道廉訪司經歷司

以養親辭嘗遊武寧有詩見東坊集元史

明

楊廉字方震豐城人明世宗朝仕至南京禮部尙書贈太

子少保謚文恪學者稱月湖先生所著有太極圖纂理學名臣言行錄及淨稿續稿諸書領解後應聘修武寧縣志谿谷川原之勝畱止彌歲遊履殆遍

朱多為字貞吉寧獻王孫也善詩歌兼工繪事嘗變姓名爲來相如輕裝出遊踪跡遍吳楚間歸而掩關却掃以倦游名其詩邑人余弼建安王儀賓也以詩名江國尤好多為畫而多為亦酷好弼詩兩人者相與莫逆頗盡嫻婭友朋之樂多為訪弼於賓陽莊愛其山水幽遠畱連數月不忍去爲作賓陽莊圖布景設色曲肖佳境人以配輞川圖云

國朝

熊維典號約生建昌縣人明崇正間兵科給事後退隱嘗遊武寧瓜源愛其洞壑幽逸流連不欲去野服素履日與樵牧談桑麻徃復嬉笑時人莫識也

杜果號覺菴新建人進士授翰林院庶吉士改御史巡按浙江以廉明著嘗遊武寧周覽溪山勝概卽境賦物今

鮑公生祠

卽儒學司訓公署

山高水長四大字遺筆尙存

鄒度拱字謙受新建人順治戊戌進士官翰林檢討晚年邱壑自怡擇地居武寧小流山中遂卒於此

王世章號訥夫九江瑞昌人博聞強記經術湛明又氣節高尚與之遊者悉以古朋友相獎勵故寓武最久而卒困於諸生惜哉

李應熙字屯菴湖廣興國州人乾隆壬戌進士官翰林院庶吉士工詩遊武寧棋枰談麈所至傾倒尤樂與奇杰

士交切劘議論慨然以古人相期許性耽山水鐘鼎山  
長豐源燕子巖諸勝處流連徃復多所題咏

周孔從號白亭本郡寧州人壬戌進士官翰林院檢討每  
蒲帆上下與邑人士飲酒賦詩淋漓傾倒彌旬月不倦  
時論以郭李仙舟况之後卒於官著有白亭詩鈔

趙由儀字山南南豐人乾隆辛酉舉人性倜儻能詩一時  
名人皆樂與之交嘗遊武寧與紳士大夫多浹洽著有  
漸堂詩爲盱江才子之一

熊爲霖字浣青號學橋新建人以解元中乾隆壬戌進士  
官翰林院檢討初聞武寧盛謨兄弟及余騰蛟名渡章  
江湖修水舟帆數百里詣字雲巢暨賓竹堂相與講學  
論文歷寒暑不倦時富川李屯菴南豐趙由儀戈博三  
徐同仁皆在焉所過名山溪洞慷慨咏歌山靈多藉以  
生色晚年主講鹿洞太僕盧浙游其門言及邑先輩猶  
爲之於邑云新增

按馮志寓賢甘羅柳渾張寧李質凡四人武寧固僻  
壤不數見於紀載而山林之奧衍谿洞之幽異未始  
不足與名區相比擬特傳之有幸有不幸耳粵稽志  
傳柳貞公隱武寧時裴袁蕭李諸公一時選勝偕至  
流連唱和極巖壑烟霞之樂逮夫宋元諸賢亦皆探  
異搜奇咏歌泉石昔人遊憇之地今畧爲採輯錄其  
可徵者亦足以見溪山森秀迥絕塵寰爲高賢所傾  
慕如此至如舊志所載甘羅旣荒忽無據而李質所  
寓之得日觀在寧州旌陽山已見唐詩紀事故刪去

華蔚巖號椒堂湖北興國州人博覽經史兼通天文地理  
善卜筮六壬性豪放揮塵清談有晉人風往來武地凡  
三十年從遊者多所成就然卒以諸生老咸歎爲數奇  
云

萬承風號和圃由翰林充

上書房行走洊升兵部左侍郎

今上追封禮部尙書 贈太傅

賜諡文恪同郡義寧州長茅人長茅與邑上南鄉石門樓相  
去十餘里時邑舉人張璘有品學設帳其地承風自幼  
來師事之與同門士聚首賦詩唱和甚夥於處士張望  
尤始終心佩焉

武寧縣志卷之二十四

武寧縣知縣滇南李 珣纂

列女

陰陽之義妃乾以坤婦效其順永貞是敦斷臂封髮彫  
史流芬之死靡他甘苦惡論惟武之區水潔山寒礪德  
獨行常鍾於人余婦盡節三說誓信葉母脫姑厓石爲  
鞞竹扉古井地氣則然紀厥幽懿以範彝倫志列女

宋

昇仁鄉冷潭妻張氏紹興間叛將李成寇武寧家人爭先避  
難張氏讓肩輿與長如乘而自徒步賊追急赴水死

長樂鄉洄溪余釗妻李氏釗死長子大任方一歲次子大川  
甫一月父母屢欲奪其志李立三說以誓不變一曰爲人

子當盡孝二曰爲人臣當盡忠三曰爲人婦當盡節卒不可強舅思聰目盲姑潘氏亦老病朝夕侍湯藥不少懈嘉定間旌表節孝後二子皆貴顯

冷元革妻吳氏嘉定初賊殺元革吳氏伏身替刃而死元革遂得復生

冷日華妻聶氏日煥妻董氏日起妻瞿氏景定元年遭亂寇至娣姒三人誓不受污連袂赴小塘水死

冷大章妻蕭氏少遭亂賊擄罵賊而死

竺梅英西門外竺壽翁女許配冷門未嫁夫死終身守節時稱竺夫人東門外石橋其所建也

冷幼發妻聶氏德祐元年遭兵掠義不受辱罵不絕口被割舌死

元

戴氏婦未詳其姓初戴復古未遇時流落武寧婦父憐其才以女妻之復古故有妻已而作歸計婦問其故告以實婦白之父父怒婦宛曲解釋以奩具贈復古仍餞以辭既別遂赴水死辭見藝文有辨詳古蹟

明

長樂鄉盧鵬舉妻聶氏豐田人年二十有子伯軒方一歲舉卒於外訃聞泣欲相從地下其家防守甚嚴數月不遂乃托紡績以給守者伺之稍懈遂自經死

盛善才知縣盛文郁孫女也故籍錢塘許配仁和潘有成未嫁成夭死才奔喪會水淹舍漂成尸才痛哭幾絕誓以終身不二後隨祖任武寧祖父卒於官遂家焉才乃招有成



魂以葬歲時祭必痛哭撫弟遺孤如海如江皆成立卒年七十葬石窩山一日石合其壠人謂其勁節所致善才詩見藝文

三碁盧貯妻夏氏德安縣夏以高女年二十一賸死子國良甫半歲姑崔氏老且病手足莫能舉食則匙之於口矢溲則負之如廁如是者五年而姑卒一夕夢夫來告曰吾寒甚顧其衣若墮水然覺而心驚詰朝往墓所啟穴視之則積水滿壙棺已朽矣泣抱骸骨歸寢所十三年始卜地而葬焉宏治間年八十詔旌其閭

盛珏妻李氏年十九珏死無子祖姑盛善才賦詩隱諷以觀其志李有誓章與善才縞素相依五十餘年足不踰戶庭其夫忌日及歲時致祭盡哀至老不衰卒年七十有七

余用義妻王氏王仕敬女適義二載生子永寧方八月義以商亡王氏日夜悲痛幾不能存及骸歸抱寢於衾四十餘年不忍釋其骨隱隱有殷痕人以爲精血所感云

蔣愛貞順義鄉人少納徐貢陳聘未嫁而貢陳死愛貞破鏡殉葬筑煢一室衰絰自存有富暴欲謀娶之卒不敢奪其兄蔣曰貴故遺孤方二歲嫂陳氏年十九與愛貞苦志同守愛貞年六十七陳氏年六十五以雙節全穆按院有詩旌之邑令馮其世雙節婦傳見藝文

黃土彭玉韜妻李氏年二十韜卒遺腹子天儀舅姑老病百計營養撫孤以自全壽九十六終

余福熙妻王氏熙死於商遺子遠山方一歲氏經營百計歸葬遺骸舅姑欲奪其志截指自誓已而遠山又死其婦李

氏見姑守節失所恃卽自盡姑救甦泣曰吾老矣爾何可死遂同堅守事姑撫子以終有司以雙節奏請旌之

楊淮妻汪氏正德間以節烈旌表

武橋葉茂浩妻王氏字珍香破石人嫁甫周夫亡遺腹三月生子凌霜時年十七有富人賂其伯強欲娶之珍香欲答示信寧死不從萬歷三年知縣胡東陽表其門

庠生聶一經妻冷氏年十九經歿遺孤允元方一歲父欲奪其志斷髮自矢未逾年姑亦寡遂與姑同室侍姑甚謹姑病篤則涕泣籲天願以身代人皆稱其孝節云允元太學生

三港盧燧妻張氏字金玉年十四適燧生二子夫死又遺腹一子父母謀欲奪之誓死不從時方二十一歲叔亦早世子姪零丁皆賴玉苦節以撫之年近九十卒

新縣鍾本器妻余氏年十九器歿遺腹三月家甚貧翁令姑勸之別嫁余氏以有孕願自紡績奉養比生男爾靜翁又逼令出余氏投繯幾死竟不能奪卒年六十餘邑侯給匾旌之

陳氏中潢盧由燿妻也燿巨富父子兄弟五人皆庠生子姪亦眾多以疫俱死陳氏痛夫翁絕祀乃獻腴田若干畝入祖祠存祭而自經以殉年纔二十九歲人以真節孝稱之石口胡輔妻張氏字秋姑生子歲餘而輔死張抱子日夜哭泣哀毀成疾又以凶荒饑饉賦役煩苦父母憐之勸其別適張乃泣語舅姑曰家不可破節不可奪吾其以死濟乎苦節五十餘年而卒

井頭汪潞妻盧氏字瑞香年十六生子以歛五歲以均二歲潞死伯叔利其產諷欲奪之不可又百計相傾輒盧卒隱

忍支持領婢朝夕紡績勞瘁疾苦撫子以終

山前萬一章妻盧氏字珍玉年二十生子曰明及晬而章歿時家貧歲荒有陰商母家佯令歸寧謀別出者盧覺抱其子向夫几呼天號泣願以死從遂閉門不出日唯紡績延活以撫其子年九十卒

張泰新妻李氏官田李盛大女年十四生子方在襁褓泰新死孤苦萬狀時有欲奪之者李以死誓卒大其家年八十

終子謨孫思聰廩貢

後街李明鳳妻汪氏字滿姑并頭汪孟禎女年二十鳳死有子善向甫半歲矢志自守巡按喬廉其節旌之

赤岡劉鳳儀妻張氏字玉姑張選學女生二子長三歲次四月乙酉闖賊至倉皇抱二子匿山中賊搜得之欲見辱玉姑大罵曰吾秀才之女秀才之妻豈從汝賊也遂見殺

羅墩庠生盛彌俊妻林氏以闖賊之亂同長媳萬氏副媳王氏徙避他所聞俊被害哭曰天子死國難妾當死夫難萬氏等曰姑死婦寧獨生邪遂相抱赴水而死

盛氏服姑盛彌俊之女也年十五避賊山中賊搜獲欲污之女抵死不從驅至龍潭寺前賊又誘之女張目大罵遂投崖而死

廉村葉德南妻周氏字冰英上堡人乙酉流賊掠鄉村周挾幼子扶姑走避賊猝至奔竄山莽間賊獲姑將刃之周急出跪泣請以身代遂抱姑項不肯釋賊舍姑擁周以行至疊蓮洞側賊甘言誘之周度去姑已遠厲聲曰偕汝來者代姑死今不殺我欲何爲我頭可斷決不可以他求也請

速就刃賊卽麾刃示怖周踴躍就戮不少顧賊復釋刀曰爾不畏死耶其如幼子何徐引周袖周挈袖大罵擲石擊賊中賊首賊怒甚周與幼子皆遇害有同村婦匿叢棘中竊識之以告德南奔視則見首被數刃口面皆破手猶結襟執石作擊賊狀時年二十六也鄉人哀之稱其地曰孝烈坡邑秀才羅任俊有文紀其事

碣頭王廷桓妻盧氏崇禎間建坊旌表

潘廷鸞明嘉靖間人父株峯初字女於某姓子未嫁某姓子亡父欲更字他姓廷鸞誓不二依父母居以終嘉靖丁丑年三十卒今里人尙名其地曰貞女墳

按宋之冷婦赴水死割舌死明之盛婦赴水死葉婦擊賊死煌煌大節有關世教舊志並未採入特表出之

國朝

球場盧士瀚妻周氏上堡周曰隆女年二十而寡遺腹三月誓死守節生子圖龍撫之成立順治丙戌領鄉薦後選汀州司理迎養於任卒年六十七巡按吳贊元題請旌表魯溪劉潔吾妻盧氏生子一歲餘潔吾墜馬死盧痛不欲生以舅姑老強起奉待有利其產而欲煽奪之盧置一石於臥內誓曰有逼我者決命石下乃垂簾爲止步之限出入唯一婢將命內戚亦罕見其面年七十八終流寇掠境盧攜子孫匿穴洞中寇薰以火卒得免事見雜記

月田田萬頃妻盧氏年二十三夫亡子甫二歲時當鼎革兵荒之餘咸勸他適盧氏矢志自守與孀姑閉戶紡績課子孫誦讀卒大其後年八十二終

瓜源呂紹蔡妻孟氏合婚甫十日蔡遊江南死於盜孟氏痛

哭矢守家人以其年少頗難之孟氏奉環刀跪伯前曰有負呂門者請死刀下遂泣涕再拜而人足不踰闕凡四十餘年卒

余子楨妻盧氏嫁七年而夫喪子穉家窘盧氏誓以襁兒乞丐必不再醮日任薪汲夜勤績紡艱難撫子卒以節終黃陂張越啟妻杜氏坊市庠生杜棟女年十五生子希聖一歲而夫故內唯八旬老姑外無暮親可倚杜截髮自矢紡織課子備歷艱辛卒年七十八希聖餼於庠督學沈翼機廉其節表之

石坪余應觀妻盧氏由德女事姑甚孝觀他出姑與叔皆病臥夜半虎破壁入室並攫出盧急逐之虎棄叔取姑行里許盧追及奮挺大撻力與虎爭虎逸去乃負姑歸時盧氏懷娠明日臨產力盡大呼而絕人皆奇其孝烈邑貢生余螭有逐虎行

張積朗妻陳氏生一子而夫喪撫子又喪貧苦萬狀餽粥鷄衣直至沒齒知縣王之夫廉其節旌之

中潢盧宣雲妻陳氏坊市陳其瀾女年十七嫁歲餘而雲逝舅姑憐其年少無出勸令他適陳痛哭欲自經不得間一夕盡截其髮割左耳以示姑悲啼不輟左目又眇氏工針黹雖嚴寒猶篝燈床壁終宵不就枕而半身已槁積所有買田以供夫祭養從子觀海繼祀海甫八月鞠育教誨竭盡心力卒年五十乾隆元年建坊旌表

觀海邑庠生

按陳氏忍苦三十餘年御冬惟一棉衣歲加補綴鷄結重疊至於重約七斤病危命畱示後人已而嘆曰守志

婦人不幸事殊不願後之人有此其以殉可也嗚呼若  
陳氏者真可謂苦節矣

石口熊起茹妻葉氏夫喪時子英方三歲抱痛不欲生其姑  
泣曰身老孫穉唯恃汝也葉承姑意辛勤撫子自守家賴  
以振雍正十三年建坊旌表

英太學生

石孔文妻張氏乾隆五年建坊旌表

李仲玉妻劉氏玉故生子甫月餘無親屬可倚辛苦自守乾

隆四年追表其節建坊旌表於西門

子邦桂邑庠生孫泳監生

港北李素松妻劉氏劉仲明女年十八生子萬端未兩暮而  
夫卒舅姑欲奪其志劉抱孤兒痛哭闔戶欲自經卒不可  
奪萬端妻熊氏庠生熊登軾女生子國垣甫七月端復喪  
三世一息熒熒相依撫藐孤以自存乾隆四年旌建雙節

坊

國垣太學生

黎氏檀塘黎惟吉女許配劉宗清未嫁而清夭女聞絕粒堅  
臥不起有以往奠給之者遂起易衰麻竟往喪次哭拜守  
志以老乾隆十年旌表建坊

大田盧奎妻王氏事姑孝謹奎應省試客死訃至痛哭不欲  
生姑勉以撫子成立為大王氏涕泣謂子曰汝能讀書吾  
可以見汝父於泉下延師督課子晶發憤於學為名諸生  
乾隆十五年旌表建坊

盧焰妻徐氏年十九而嫁未幾夫病革請以身殉焰諭以事  
姑搆叔大義乃遵夫命忍死而守支持經紀諸叔賴以成  
立而卒大其家又立姪以繼夫嗣乾隆三十年建坊旌表  
羅賓顓妻盛氏貞公女年十八適賓顓顓舌耕自給無以奉

親氏勤針黹佐饘粥得舅姑歡及顓沒氏年方二十六遺  
兩孤兒朝不謀夕親族哀其窮欲變其志氏泣曰死則死  
耳偷生作二姓婦不忍爲也遂截髮以謝言者初顓柩在  
堂城中火及隣氏抱棺大痛願以身殉俄而反風滅火卒  
獲無恙咸以爲精誠所感云氏年九十五孫州同羅其亨  
請旌乾隆三十三年建坊旌表賓巔坊

昇仁鄉聶瑞明妻余氏年十八歸聶甫聶瑞明病革屬余氏  
曰家貧無子孕男女莫測汝其自圖余誓以不二瑞沒截  
髮附殮後產女痛哭幾斃戚屬諭以姑老夫乏嗣將奈何  
遂辛勤奉養姑病噎二載針黹侍湯藥弗懈撫姪翼廷爲  
嗣乾隆四十六年詳請建坊

葉大備妻成氏乾隆二十八年請獎給清標彤管四字

石口熊垣妻湯氏年二十三垣沒無子唯遺屋一間鬻以舉  
喪依嫠姒居而自食其力服闋父母迎歸陰令媒氏擁輿  
至將強奪其志湯氏大怒髣面截髮號哭而還渡石口河  
指水誓曰湯氏而易節反顧者有如此水伯叔憫其無嗣  
議所應繼者湯氏泣謝曰誠大義顧無能爲撫養地願以  
身後或死前數刻立之吾生則與亡夫同受無兒之痛聞  
者愴然平居唯治鍼黹以度日雖不給亦不乞憐於人年  
荒斗穀百錢饑且病有同族贈以石粟湯氏曰未亡人無  
受贈之禮寧饑而死不敢拜賜卒却之苦節三十餘年通  
邑嘆服

伊山口張德什妻盛氏羅墩人年十七歸德什四年什患流  
毒盛氏扶持臥起不少怠病兩載什卒有二子皆幼家赤

貧躬任鋤種手指皸裂每採薪則拾松脂夜然力紡緝得米麥以食子自擷野菜煮羹度日或枵腹而強作冬日被絮敝窄僅覆二子自就地爐煨楮治女工達曙常度歲無酒肉親屬有遺肉羹者堅却之唯取雞卵以啖其子其清苦自守如此

盧氏新秀長樂鄉涇汰里盧立綬女幼字鄧支悌悌備舟溺死新秀年十六號泣欲投江以殉母嬖力止不得遂乃擲盃於地誓曰盃不復完義不別適素服悲哀與母寢食一室廢棄膏飾淡然人世三十餘年以貞節終

沙灣余世垣妻盧氏貢生之鵬女年十八適垣生子光先而垣喪舅貢生普明與其父鵬頗憂之盧泣曰兩家皆明經獨不明從一之義耶遂剪髮自誓撫子力學以清操沒世

鄉里嘉之

光先  
岸生

涇濱李秉楚妻盧氏年十七嫁五日夫遠遊於外家貧無依歸母家五載聞夫已沒遂縞衣練裙幽居一室日夜紡織事父母以終焉

中潢盧宏信妻余氏上都余文祿女生一子甫周信死事繼姑甚孝越三年疾作姑慮其鬱結頗諷令他圖不聽則屬其父母諭之語且煩切余氏仰天泣曰姑不諒吾心父母又不諒吾心吾心真不可諒耶遂大椎胸吐血數升而疾頓愈卒撫其子以成守節凡五十年終

瀧溪鄭厚淑妻劉氏年十七生一子歲餘淑死劉氏哀毀不食時家貧舅姑且老三世零丁惟一乳孩舅泣謂劉曰婦死如吾門宗祀何劉氏強起視事奉養撫子辛苦憔悴哀



慘不舒者數十年如一日人無間言

陂田余元昇妻孫氏生一子方待哺昇亡氏忍死食貧撫子鵝衣蔬食艱辛萬狀歷五十年以節終

塘盤李氏孝姑幼許字周朝富未嫁朝富遠遊歷久不歸年二十六夫家商以別適孝姑引刀截髮守貞自矢老母兩目俱廢扶持甚謹日夜紡績以供菽水年近七旬十指血癍見者莫不太息

甲潢盧宏輝妻王氏事姑以孝聞姑病篤王氏痛戚無計割股作糜以進姑愈延數歲歿王氏哭泣甚哀歷久不衰鄉人皆稱爲孝婦

竹山葉運梅女名大酉少配瀧溪鄭厚甲及笄未嫁厚甲得惡疾貽書休婚父母憐其少諭令他適大酉誓死不從數年厚甲死終不改節年七十餘卒鄉里咸贊之曰貞

黃平坂盧全詩妻余氏沙灣余卓明女年十九夫亡痛欲捐軀舅姑以其有孕再三慰諭余氏斷髮誓不再適生一子舅歿姑老病侍寢進湯藥不離左右姑沒侍柩數月哭哀甚比葬懸姑像奉侍如生閭里咸嗟嘆之

坊市盛賡輝妻羅氏羅六姬之女年十九歸輝家貧姑老輝嗜學羅氏潔滄澹奉姑使夫得盡心於學數歲夫殞一子甫周含泣撫子讀書以繼夫志姑沒子又喪羅氏計窮淚盡與子婦鞠孫鳴哀幽咽以終

長樂鄉余道義妻盧氏童時適余門年十七合卺數月夫客外貧甚老舅乞食數歲夫不歸舅勸其再醮盧氏誓死不二忍饑寒爲隣婦紡績易米以供舅孤苦貞守至沒齒無

遺憾焉

大田盧全模妻余氏生子宏開甫周模喪姑七旬伯病心風  
盧拮据薪水左右承歡二十餘載清苦難名鄰里以孝節  
稱之

屏原楊珍士妻張氏懋初年二十生一子夫亡舅姑垂老有  
冢婦責涕泣撫子清苦自存足不踰閫雖兄弟至惟門內  
問父母安無一他語及子娶婦生孫甫六月子又亡與子  
婦張氏隱媛孤燈一室凄然相對以雙節全人皆賢之  
長樂鄉盧欽定妻余氏訓導余文梓女年十八生一子甫周  
夫喪家貧姑年七十老病在床伯貧甚叔且有疾顛連萬  
狀衣經百結食鮮兼餐義不受憐母家饋遺亦却冰操三  
十餘年人皆稱爲節孝

伊山潘淳烈妻聶氏年二十烈亡無子痛欲捐軀以舅姑老  
強留餘生斷髮明志事舅姑孝舅歿侍姑寢宛轉承歡甚  
得姑心清苦三十餘年鄉里躋之

上都余秀明妻胡氏市口人夫病癆瘵剜臂肉以愈疔羸比  
夫喪哀泣撫子辛勤艱苦以節自全

坊市張居柳妻盛氏庠生盛來儀女年二十六柳亡一子尙  
乳懷中盛氏欲以身殉老姑慰勉以大義哀泣強起事姑  
撫子苦節三十年鄰里稱之子炳蔚立元孫紹泰紹璣

潘士烈妻王氏名慕貞年二十夫喪一子家貧躬操井臼食  
假辟纊困苦撫子年五十餘以節終

沙灣余道盛妻盧氏監生盧大中女夫亡事姑甚孝守貧撫  
子以節自全鄰里賢之

葉桂大妻王氏初事姑病自調湯藥滌垢穢必親任不假侍婢及姑病噎不能穀食幾殆王氏適生女卽溺之而乳其姑病竟愈延活五年前邑令王以孝德題其銘旌

芭蕉里葉期煥妻繆氏年二十餘歲煥與兄嫂相繼沒繆氏矢志守節撫一子三姪備極辛苦族貪財欲令再醮不從強逼之剪髮毀容控諸官卒全其節

下南鄉陳彥文妻盧氏歸陳數年彥文死家貧遺兩孤姑且老盧自誓守節姑病治不瘳割股以進人皆羨其節孝

坊市盛賡烜妻羅氏年十八歸盛生子甫六月烜沒羅欲以身殉孀姑熊氏勉以大義始感悟代夫奉姑足不踰閭雖骨肉至親終年不得一面課子飛騰不少恕補郡庠氏與同族盛明命妻胡氏比隣孀居貞操如一而胡氏尤貧苦

云

廉村葉期經妻吳氏潁水吳儒公女姑早卒小叔幼藉以成立年二十二生子顯周雨替而經背家極貧菽水奉舅茹荼鞠子艱苦滿屋至老如是鄉鄰咸稱爲節孝云

毳浦繆乘湖妻葉氏太學生葉發祥女家貧少寡二子幼風節稜稜然年老如初

石門張大棟妻葉氏廉村葉武臣女年十九生子一周而棟歿不數月翁亦繼喪家貧無以爲喪氏售嫁時服飾治棺葬後素衣百結服之無斃人稱百結寡婦又撫一孤姪視如己子子鵬翼太學生

下泖翁振拔妻鄧氏年十七歸翁次年生子蘭甫周而振拔卒時拔生母早世異母弟幼氏撫棺泣誓曰臣死忠婦死

節夫死妾忍獨生乎妾死孤將焉託也雖然速則三載遲則十年必相從地下亡人其鑒之後十年氏果卒蘭少補邑廩生蘭子壽春太學生娶坊市盛嘉豫女年二十五生子俊儻甫週壽春病刲股以進卒不起撫孤守節於今二十二年

中堡萬賢裔妻丁氏年二十而夫亡自經以殉姑救之諭以撫孤大義乃忍死苦節值夫忌辰痛哭終日目遂眇

長樂鄉黎世仲妻盧氏年十八隨姑偕小叔行乞久雨路滑經深塘高騰小叔失足溺姑急援之亦溺盧氏竟躍入水中救姑遂同死焉

瓜源董立作女瘦姑許配車頭盧昌佑其姪女六姑許配德安曾某皆未嫁而夫外出不歸誓不再配姑姪一室相依爲命卒全貞焉姑年七十而終姪年五十四而終

鍾峰宴妻楊氏年二十三夫亡一子翁叔迫令改嫁不從翁怒不與田產楊乃自種山糧度日備極勤苦有謝某貪其力作多金謀娶翁將強勒之楊覺先一夕自經死里人言及輒爲嗟嘆

潘氏名桃者農家女也贅中村徐可人生子而可人死桃扶襯還葬里人謀娶之劫昇入室桃給之曰至此事寧不諧但須先見君母一拜耳許之桃哭跪母前不起母爲動遂與同寢處里人不敢犯百端誘脇終不屈急則投繯凡五日夜而里人被捕矣先是母陰使人告桃兄來迎桃兄遠控諸邑令包捕而笞之並懲其黨而嘉桃能抗節旌以綵帛張樂送歸然竟以慙憤抑鬱死年二十有二

後街庠生張九如妻劉氏赤岡人年十八適如如負卓犖才落落無所合遂賁志以歿氏年方二十四一痛而絕稍甦泣謂二子吉台曰舅姑老爾輩無知不敢以一死塞責乃隱忍自誓竭力供菽水奉養如禮課二子皆有成辛勤五十餘年克成夫志邑令徐又達旌曰節孝之門

中潢盧宣猷妻余氏年二十六夫亡家貧甚養姑育子備歷辛苦且慮力難娶媳抱女孩哺之氏斷乳十餘年而乳汁涇流卒賴育成完婚生孫人謂苦節之報云

黃陂黎秉元之妻王氏事姑能孝年二十二元沒子顯榮甫六月無期功親每抱兒泣曰三世一脈賴此耳飲水食雪撫成其孤歷四十年如一日也

長富張宏圭妻洪氏中村洪幼白女生一子圭亡勤勞撫孤方成立而天子婦余氏僅生一子余以青年孀與姑一室冰霜凜冽相依爲命邑令宋調元旌曰松筠偕勁洪年八十二卒曾孫聯翼貢生聯翰監生

中村洪能遠妻成氏生子鳴鳳甫兩月遠亡成撫一孤艱辛備歷且事後姑如所自出其姪婦患癱瘓成與同衾褥寢處不忍離亦爲人所難者

灑溪劉曰現妻張氏年二十四現沒遺孤超甫六歲有欲奪其志者誓死靡他己而子婦相繼逝而孤孫復天乃繼斯裕艱苦萬狀鄉里哀之

月臺黎兆時妻嚴氏年二十五夫歿撫二孤清操辛苦以成立之長子天長孫隆玠侍嚴病篤割股救未濟旋亦疾沒玠妻陳氏年十九無出矢志不二紡績勤樸一踵嚴氏芳

蜀人稱雙節濟美云次孫聯陞吏員

潘仲司妻張氏年十七歸司家極貧姑病癱瘓調護五年如  
一口人以爲難及姑卒司亦繼卒張氏艱苦貞一以終  
年豐鄉果洞盛學榮妻周氏年十九榮卒無子舅姑老夫弟  
械尙少家貧採蕨爲食卒不改節孝事舅姑生養死葬皆  
氏力撫械三子襁褓提攜如己出皆天喪械幾死周泣勉  
之曰忍死吾一門乏祀何以見爾兄於地下乃鬻產再娶  
家益窘周泰然後舉二子周躬自保護皆成丁年七十猶  
素服如常云

瀧頭鄭自天妻傅氏年十四歸鄭親侍曾祖姑及祖姑歡咸  
適意十九自天卒子秀萬甫二歲庶姑奪其產欲嫁之傅  
截髮自誓乃止家既窘撫子抱媳恃紡績針黹爲生及見  
子秀萬復天喪傅撫卹四孫辛苦備嘗又父歿分寧氏出  
金負骸歸葬亦其孝也

坊市張玉臣妻羅氏年十八歸張生三子年二十五玉臣死  
三子甫兩月羅稱貸殮葬後閉戶自經隣婦救之曉以撫  
子大義氏悟乃截髮自矢專恃紡績每逢生辰忌日奠麥  
飯和血淚至年六十餘猶如故人咸哀之知縣陳瑞球給  
彤管遺徽額知縣尹作翰給竹貞其節額

孫監生人 龔生人 龔生人 龔生人

月田田僖年妻潘氏坊市潘池元女襁褓時歸僖舅姑視如  
己出潘氏亦孝養備至年二十六生一子甫二歲僖年死  
氏艱難守志歷三十年如一日沒年六十二子淳太學生  
昇仁鄉太學生葉成棟妻程氏與國州程應哲女遊擊程萬  
年妹年十九適棟棟死遺孤幼氏撫之成立嚴督課不少

姑息奉舅姑曲意承歡如棟在日鄉里難之程尤明大體  
不惜貲財族某死無所歸氏置棺殯殮服姪某貧不能婚  
氏爲之娶以延其祀又節孝餘事也

烟港方德皆妻黃氏破石王孔亮妻梅氏俱善事姑姑病刲  
股救之延活數年

萬賢清妻田氏

盧五奇妻余氏

盛士孟妻李氏

盧宣科妻方氏

沙灣余文仇妻盧氏

洪啟楸妻鍾氏善事姑姑病刲股救之

已上俱夫亡無子以節自全者

吳國錦妻羅氏

萬午元妻陳氏

坊市武舉盛士升妻王氏

黃陂張五美妻盛氏

港下庠生盧鵬妻舒氏

坊市葉光煒妻汪氏

江陰鄉王啟周妻潘氏

塘盤李豹文妻陳氏

黃陂張大忠妻李氏

羅坪余亮臣妻胡氏

沙灣余汝楠妻盧氏

江陰王永秀妻甘氏

石壁余汝璜妻盧氏

江陰方學惠妻胡氏

塘盤盛賡燧妻陳氏

曲池張天惠妻王氏

長樂余熾明妻盧氏

江陰蕭乾備妻邢氏

江陰姚在文妻謝氏

上南鄉尹年夫妻羅氏

羅坪余世禧妻盧氏

饒灣陳彥品妻盧氏

已上俱夫亡家貧撫子全節者

梁志

盧兆明妻余氏乾隆庚午姑病氏刲股和糜以進姑愈三年  
而卒後繼姑病氏復刲股療之時氏年逾五十創甚幾殆

鄉鄰亟稱之府志據冊

余汝科妾熊氏汝科年四十無子納氏為妾時年十五越七年甫娠而汝科歿遺腹生一子氏殷勤乳哺及晬而子妖氏哭之慟曰吾所以不死者為余氏存一綫耳今且何望哉夜投竹節潭而死府志據冊新増

昇仁鄉瞿志開妻劉氏定祥之女年二十夫亡家貧撫兩晬孤輝先負土成墳翁老病沒如禮殮葬姑年八十七久寢疾服事不懈訓子成立苦節五十載嘉慶元年 旌表

昇仁鄉劉廣蕃妻盧氏年二十二夫亡無子氏苦節嘉慶十九年建坊 旌表

昇仁鄉太學生葉挹霖妻陳氏湖北興國州監生陳光女生子世芙甫五十日挹霖死氏守志世芙既冠為娶成氏未幾世芙又死成氏無出志如其姑氏為立承桃子嘉慶二十二年建坊 旌表

昇仁鄉熊高熠妻冷氏簡臣女夫病革語氏爾年少無子我死盍改嫁氏哀泣剪髮以誓已而孀居尊嫜八旬安寢食撫繼子於成嘉慶二十三年建坊 旌表

坊市林蒼涵妻劉氏北鄉監生劉循南女歸六年蒼涵讀書櫻咯血疾遂不起子生三齡翁職員林二存老病癱瘓氏強起視事俯仰辛勤十有六年而卒後其子遷建節孝祠費金三百餘緡邑進士霞浦令張富經有記鐫石祠內氏遺命也嘉慶二十五年建坊 旌表子材順監生

順義鄉周逢傑妻余氏世選女夫亡五月生遺腹子氏守從一義撫孤既立家益豐嘉慶壬戌辛巳歲飢出廩粟活鄉里道光二年建坊 旌表子化南職監生



黃溪盧一岑妻徐氏安樂鄉監生徐彰錄女一岑好學不永  
年無子氏求夫子後從容以守既十八年夫兄舉子塲撫  
爲嗣繼姑余病痢氏調湯藥滌垢穢寢處不暫離愈而後  
已道光三年詳請 旌表建坊 塲太學生

黃陂太學生張蔚雲妻劉氏坊市劉遇南女夫亡時子六齡  
翁老病相繼亡氏事繼姑持內外政其弟占鰲爲邑名諸  
生延之教子隆以師禮有從姪少孤母出醮氏撫之昏讀  
如其子道光三年詳請 旌表建坊 子文亮  
監生

上南鄉貢生葉大椿妻林氏坊市醫學林球元女歸葉三載  
夫亡無子氏誓守撫姪文枝爲嗣性方嚴孀居後益自刻  
苦親調甘旨得姑歡家政內外倚之爲未亡人幾二十年  
抱病在床將不起會邑書院勸捐者至氏曰吾夫子讀書

早世今文枝能讀父書吾死瞑目義舉不可謝也出若干  
金襄之道光四年詳請 旌表建坊

東溪王德煥妻潘氏坊市德煒女夫亡遺孤甫八月氏撫之  
及成童而殤尋撫姪孫昌銘嗣其子苦節卅有三年道光  
辛卯詳請 旌表建坊前令陳雲章給節比松筠額

北鄉百樓儒童劉愈金妻陳氏鏡南女年十八歸越十年金  
得咯血疾歿氏痛哭欲絕者再既念姑老子幼強起視事  
姑耄目昏侍養終身不倦性慈惠嘗以餘貲助貧人喪葬  
壽七十餘道光九年詳請 旌表二十七年以孫貴

勅封孺人子定楷 勅封文林郎孫馨朝進士湖南衡州  
府鄱縣知縣馨翰舉人馨紱太學生

北鄉蕪灘儒童湯世鑠妻李氏貢生廷黻女舉人若瑤女弟

淑慎幽閒年十九歸鑾二十四歲夫亡矢志守節備歷艱辛道光二十五年氏年五十二詳請 旌表

城市鄭祖進妻黃鳴岐女年十九歸進越二載生一子進得瘵疾氏半夜焚香禱天祈以身代夫歿誓以身殉姑力止之強起視事售奩具為祭葬資數載姑又病奉侍不少懈歿盡禮積緘絀以課子守節廿餘年道光二十三年請旌

昇仁鄉儒童葉世芙妻成氏興國州廩生成浩女年二十六芙故以姑老已無出不敢身殉乃撫夫親兄子忠文為嗣仰事俯畜艱苦備嘗道光癸卯建坊後其姑陳氏二十五年拜 旌 又氏六十生辰前令羅洪廣給松秀嗣徽額

安樂鄉霞沭監生翁壽春妻坊市盛嘉豫女年廿七夫亡事舅姑盡禮撫兩歲孤成立他行詳前道光八年 旌

安樂鄉曲池儒童張紹仕妻橫墩陳承仁女生子益旺陳年廿八夫故一慟幾絕既念姑老子幼茹苦守志四十四年卒 紹仕子儒童益旺妻橋頭黎應璣女生子光淡黎年廿二夫故事孀姑撫孤子守志五十七年卒 紹仕孫儒童光淡妻竹蒲里翁望榆女生子鳴鐸翁年廿二夫故志如其姑而性加烈有惡少某乘醉犯以非禮翁亟號姑斥之一時憤甚噴血數尺外遂病匝月不起守志十二年卒 紹仕女引姑字上吉壠黎以銑未婚夫故引年甫十四聞訃奔喪欲以身殉母令人強之歸以夫家無舅姑娣姒依母完貞靜默不出戶知書尤善鍼黹與其嫂仗十指事母完貞三十一年卒道光壬辰一門三節一貞同

旌表建坊

鳴鐸山東鄆城司屯

上南鄉儒童葉暢予妻邵氏實餘女少嫻內則年十九歸葉越四歲夫故矢志全節事太姑羅姑姑孝養無違幼叔佩予讀書克承家學守節於今四十二年道光二十二年

詳請 旌表建坊

羅坪儒童余興藻妻張氏坊市

勅封文林郎張煥璧女

湖北同知張富經姊年二十一歸越六年藻故氏痛哭欲絕家人苦勸之遂剪髮毀容以誓不二事姑盧繼姑徐敬順無違撫二孤慈嚴兼至終身縞素言笑不苟守志三十年卒道光九年 旌表建坊

長樂鄉羅坪儒童余聘之妻中泮歲貢盧廷亮孫女年十六適聘之十九悲寡鵠矢志冰霜持躬淑慎現守節五十一

年道光二十一年 旌表建坊

伊山潘崇武妻李氏生子甫週夫亡苦節四十三年督學王

鼎給苦節完貞額邑貢生李蓋有傳

孫運良貢生

長樂鄉盧宏耐妻余氏監生余大鵬女生子數月夫亡苦節

三十七年督學王鼎給苦節守貞額

子之英監生

昇仁鄉黎儼亭妻張氏安樂張悅文女夫亡無子撫兄子為

嗣苦節四十二年時年六十督學王鼎給柏節松齡額

章疇五妻胡氏生子二夫亡苦節四十三年知縣尹作翰給

操比松筠額

北鄉李國琳妻劉氏年豐監生劉之元女生一子夫亡苦節

四十五年知縣尹作翰給冰霜勵志額

子道盛監生

洋井羅特才妻王氏生子四齡夫亡苦節六十餘年知縣尹

作翰給潛德延禧額

坊市盛遇夔妻熊氏順義庠生熊遇周女生子五月夫亡苦節三十餘年母子貧病相繼死知縣尹作翰有苦節詩見藝文

長樂鄉余去華妻盧氏全法女去華死無子氏瀕死者再強起葬夫營大壙虛右痛鬼之餒歸田於祠奉夫主入柩歸屋與園於族囑守墓綢繆數月事定氏更衣履密縫之面夫主投纆而死時嘉慶十八年十月廿八日氏年二十九歲也知縣尹作翰有紀烈詩見藝文

年豐鄉太學生王國生妻徐氏所欲女生子一夫亡苦節三十年知縣李給節壽可風額南康訓導邑人王崇德有傳河口劉盛棟妻翁氏下泐翁振達女年十七夫亡生遺腹子世承既抱二孫世承又死孀媳徐氏相依翁苦節今五十九年知縣言朝樾給護堂節壽額

洋井羅甫程妻汪氏生子數週夫亡氏苦節十九年知縣陳雲章給節操堅貞額

昇仁鄉張笏廷妻聶氏敏達女生子二夫亡守節於今二十六年知縣陳雲章給節比松筠額

一都葉光藻妻車氏夫亡子掄輝先松俱幼氏苦節五十六年知縣陳雲章給白首完貞額

昇仁鄉夏光芹妻黎氏景福女生子一夫亡氏苦節三十一年教諭項珊給芳流彤管額

江陰鄉盛遇梧妻吳氏坊市吳泗女明經吳嘉言女弟生子一夫亡某聞婦賢謀娶媒者來厲辭謝絕壻家迎養爲事

姑弗往也苦節三十一年 教諭項珊給玉壺冰潔額

江陰鄉生員邱林妻何氏夫亡無子撫姪志萬應鷗爲嗣氏性幽靜御下慈惠尤愛讀書嘗捐百金於家塾苦節於今三十九年教諭項珊給瑤池冰雪額志萬妻鄧氏坊市鄧蘭女年二十一志萬死無子撫姪銓純爲嗣守節如其姑於今二十六年應鷗監生

下南鄉邱子遜妻羅氏生子二夫亡紡績養姑撫其子皆有成苦節五十四年教諭項珊給幽壑松筠額子德隣監生德馨監生孫雲監生曾孫英佐庠生兆綸監生嘉謨附生文蔚舉人文理監生元孫攀桂廩生

車朝珍妻劉氏義寧州劉欽首女生子二夫亡苦節四十四年萬文恪公承風給孝筍貞松額

完塘翁俊曜妻胡氏君仁女年十八未嫁聞俊曜訃泣告父往奔喪父以聞翁使來阻之誓死不二遂衰經歸莫夫靈拜舅姑大哭入閨內數旬後起治中饋與家人同作苦撫從姪英壘爲嗣守貞四十餘年而卒

羅灣葉棻宣妻鄭氏湖北興國州鄭立萬女年二十八生子二夫亡守節於今四十年 子長齡貢生鼎新監生

夏家莊呂其型妻張氏建邑張宏士女年二十六生子兆鐸夫亡矢志撫孤旋鐸早世復撫三孫成立守節四十六年昇仁鄉畢富會妻熊氏國義女年二十九生子五夫亡守節五十四年

昇仁鄉畢其增妻劉氏國枋女年三十生子二夫亡守節二十一年

呂肇斌妻馮氏建邑舉人馮家棟女年二十四夫亡無子撫

夫兒子正紳爲嗣守節三十六年 肇斌長樂霞庄人

申黃生員盧志紱妻余氏世近女年二十六生子一夫亡守

節三十五年 子盛洵監生

壁田余興樂妻監生盧琅女年二十五生子一夫亡守節於

今三十一年

中泮盧宣城妻孫氏國楨女年二十九夫亡無子撫夫弟子

定註爲嗣氏守節於今三十年

鴻嶺盧宣溟妻崔氏祥賢女年十九夫亡守節三十九年

楓林程象東妻余氏宗輝女年二十七夫亡守節於今三十

二年

中泮盧正英妻梅氏秉禮女年二十二夫亡守節於今三十

五年 子盛沂監生

順義鄉仰高祥妻雷氏年二十三生子一夫亡守節於今三

十五年

壁田余興樸妻王氏啟純女年二十八夫亡無子撫夫弟子

爲嗣氏守節於今三十三年

長沙胡廷聰妻余氏定輝女年二十六夫亡守節三十八年

上灣盧宣本妻余氏邑增生余心紱女年二十四夫亡無子

撫夫兄子定燭爲嗣氏守節於今二十九年

劉家山劉洪猷妻徐氏監生徐庭秀女年三十夫亡無子撫

夫兄子景珧爲嗣氏守節五十三年

渡頭舒國明妻李氏生子一夫亡矢志撫孤計守節四十餘

年

坊市潘文銘妻劉氏年二十九夫亡矢志守節於今二十六年

羅坪余汝諱妻盧氏燧春女年二十八生子一夫亡守節於今二十五年

羅坪余興準妻潘氏映秋女年二十七夫亡無子撫夫兄子賢栝爲嗣氏守節於今二十五年

饒灣陳璋妻田氏壻谷女年二十九生子二夫亡守節三十五年 子大畧邑庠生

石坑徐廷亮妻王氏年二十六生子一夫亡矢志守節四十四年

豐良熊高塤妻盧氏其志女年二十七生子一夫亡守節四十四年

年豐鄉王利勝妻羅氏年二十六生子一夫亡守節三十七年

饒灣嚴顯禮妻黃氏年二十生子一夫亡守節六十二年

羅塢盛遇仁妻張氏必錢女年二十八生子二夫亡守節三十八年

內蕪胡益燕妻陳氏年二十八生子二夫亡守節四十一年

熊達汶妻黎氏年二十四夫亡無子撫姪文鳳爲嗣守節五十二年

北鄉李啟燭妻傅氏年二十七生子一夫亡守節四十二年

昇仁鄉生員劉拭妻戴氏年二十二生子一夫亡守節四十四年

坊市汪岐珊妻崔氏年二十八生子一夫亡守節六十二年

北鄉李騰軻妻潘氏年廿五生子一夫亡守節今五十六年  
鄔氏監生樹勳女及笄嫁楊州李浣池性至孝十歲時侍母  
病輒不能眠食母鍾愛之既事姑如其母母暴病卒訃至  
氏號踊別姑匍行數里抵家入殮所一慟而絕時氏年四  
十七也

陳思舒妻方氏贊堂女幼抱養於陳配思舒生一子思舒病  
瘵不起氏絕食求死家人朝夕防之一日忽展顏防者稍  
踈氏於床解帶繫柱自經時嘉慶乙亥歲二月初十日距  
夫死期五日云

舒北鄉人子葆元州同

何家舖石勝玲妻盛氏坊市舉人盛元績女玲病篤臥床氏  
潛割左股以進玲卒不起氏哭之慟水漿不入口者三五  
日以爲常兩立承祀子俱殤遂憂鬱成疾不數月卒

地坪陳繼絜妻喻氏宏業女年二十九生子一夫亡守節於  
今二十六年

下南鄉鄧朗融妻邱氏監生邱德輝女年二十二夫亡無子  
撫姪運孚爲嗣守節三十九年

下南鄉太學生鄧照妻賴氏義寧州賴建章女年二十九生  
子二照亡氏守節四十四年子復初娶萬氏卓夫女年二  
十六生子衍琦復初又亡萬守節於今二十九年

石勝道妻柯氏武章女年二十四生子一夫亡守節四十餘  
年

三卷源盧愈樸妻王氏鹿州統仁女年二十九生子三夫亡  
守節三十七年

上堡周士國妻鍾氏貴萬女年二十九生子一夫亡守節於



今二十八年

坊市謝之蘭妻姚氏生員姚一瓊女年二十生子一夫亡守節於今四十年

順義鄉喻仁滿妻周氏年二十八生子一夫亡守節四十五年

北鄉太學生盛韻妻洪氏年二十四生子明嶼韻亡洪守節五十餘年媳吳氏年二十九明嶼亡吳事孀姑守節於今三十八年

江陰鄉瞿萬彩妻蔡氏年三十生子三夫亡守節於今五十一年

江陰鄉盧發魁妻蕭氏年二十夫亡無子撫夫兄子爲嗣守節三十八年

補林李汝煥妻楊氏年二十五生子若篋夫亡守節四十四年

坊市鄧暄妻喻氏年二十七生子一夫亡守節於今三十七年

龍腹汪大望妻鄧氏坊市鄧兆光女年十九夫亡守節四十四年

下南鄉盛賡鈞妻陳氏年二十二生子一夫亡守節十五年講社村廩生潘遇機妻劉氏百樓劉六成女年二十三生子

一夫亡守節四十八年孫文光少失恃劉撫成人道光壬午十二月十三夜劉病篤文光割股肉以進一門節孝人

尤稱之

饒灣陳延蕃妻汪氏北鄉汪德顯女年二十八生子一夫亡

守節三十七年

新縣鍾琳萬妻舒氏仁俊女年二十二生子一夫亡守節五十八年

坊市盛昱華妻方氏年三十夫亡無子撫姪賡堦為嗣守節三十五年

北鄉張達連妻汪氏年二十九夫亡氏撫孤守節四十餘年

黎文曹妻張氏年二十六夫亡張守節四十八年黎獻典妻劉氏年二十七夫亡劉守節四十九年黎忠銳妻王氏年二十三夫亡王守節十七年

文曹獻典忠銳俱梓塘村人  
姚際盛妻林氏監生林應宜女年二十三生子一夫亡林守節三十八年姚華極妻李氏勝葵女年二十九生子三夫

亡李守節五十年  
際盛華極俱下南鄉人  
下南鄉舒德松妻王氏新縣王合璜女年十九生子一夫亡

守節三十六年  
下南鄉謝其江妻鍾氏上南鍾春輝女年十九夫亡無子撫

夫弟子為嗣守節五十二年  
坊市張灼啟妻吳氏年二十六生子一夫亡守節五十餘年

建富鄒安鈞妻方氏節文女年二十九夫亡守節三十五年  
建富蘓曰敬妻方氏呂文女年二十三夫亡守節五十七年

建富鄒民森妻盛氏尙誠女年二十八夫亡守節四十二年  
五都余世順妻王氏年十九夫亡家貧無子守節四十三年

下南鄉陳越朝妻林氏年十八生子一夫亡守節四十四年  
安樂鄉鄧應華妻張氏年三十夫亡生遺腹子家貧撫孤守

節二十三年  
子載芳職員

昇仁鄉柯勝貞妻劉氏魯溪劉廣書女年三十夫亡守節三

十九年繼子際隆歿復立世茂為隆嗣

安樂鄉余良潛妻黃氏年十六夫亡無子撫姪繼佩為嗣氏

守節於今三十七年

上南鄉葉緯才妻羅氏年二十二生子一夫亡守節三十年

孫有聲歲貢生

順義鄉胡為水妻劉氏年三十生子二夫亡守節三十餘年

杜溪盧宏轅妻甘氏年三十生子一夫亡守節四十年

良溪柯允青妻陳氏年二十七生子一夫亡守節六十年

桃符黃坤仁妻葉氏年二十三生子一夫亡守節四十八年

江陰鄉蕭英紳妻盧氏年三十生子三夫亡守節二十五年

楊港余異石妻張氏生員張冲湄女年二十二夫亡守節十

六年

北鄉勸頭黃應泗妻湯氏年二十九夫亡撫孤守節五十二

年

仙壇村王時經妻劉氏祥衍女年二十六生子二夫亡守節

五十餘年

長樂鄉李燦堂妻盧氏年二十六夫亡無子撫姪良滿為嗣

守節二十七年

沙田李星梅妻張氏澄世女年二十七生子二夫亡守節二

十一年子守環庠生

昇仁鄉黎隆珊妻張氏曲池張及萬女年十七生子一夫亡

守節六十餘年

花棚周賢楷妻曾氏年二十三生子焜勳賢楷死曾守節四

十五年媳方氏年二十五生子二焜勳又死方守節於今三十八年

坊市張惕若妻葉氏年二十四生子一夫亡守節三十二年  
下南鄉陳兆陞妻王氏靖安王憲珍女年二十二夫亡子殤  
撫姪玉麒爲嗣守節四十九年

一都李龍孝妻盧氏俊池女年三十生子一夫亡守節於今二十八年

下南鄉賴光烈妻李氏年二十生子一夫亡守節五十一年  
羅山黎國瑞妻邱氏年十六夫亡無子撫姪祖望爲嗣守節四十四年

昇仁鄉夏光俊妻劉氏斗魁女年二十二生子二夫亡守節三十九年

驛西村林春元妻吳氏年廿七生子三夫亡守節三十一年  
長樂鄉李敬賢妻盧氏年廿五生子二夫亡守節五十二年  
中潢盧定培妻舒氏卓成女年二十四生子一夫亡守節於今四十餘年

江陰鄉方秩明妻王氏年廿九生子一夫亡守節於今卅年  
坊市林啟清妻張氏年廿九生子二夫亡守節於今卅三年  
坊市盧藹妻王氏水口王聖臣女年二十七夫亡氏撫孤守節二十八年

上南鄉羅溪葛青園妻北鄉黃其萬女年二十二歸生子一  
二十八歲而寡撫孤守節至年逾六旬紳耆爲具結請

旌氏固辭且囑其子鏡崖曰吾德涼薄致中年失偶今反  
以此邀榮重吾罪也吾惟期爾克家孫曾成立於願足矣

年七十九無疾而卒今其孫方泰監生先期耆儒方拔廩生方掄舉人大挑試用知縣方授職員方攀方採俱監生曾孫盛鈞職員利賓舉人利民盛輅俱增生人以爲節孝之報云

坊市張之釗妻潘氏伊山潘崇厚女年二十五生子一夫亡守節於今二十九年

安樂鄉石醒愚妻本鄉監生余廷瑞女年十九夫亡無子撫姪勝玠爲嗣守節於今四十餘年

安樂鄉石全誦妻潘氏從耕女年二十六夫亡無子撫姪勝瑞爲嗣守節三十三年

昇仁鄉張志浴妻吳氏年二十五夫亡無子撫夫兄子揮楫爲嗣守節十三年而歿

建富李呈杵妻盛氏邑廩生盛世麟女年二十一夫亡無子守節十三年而歿

楊港余穆臯妻朱氏監生朱昌壽女年二十九夫亡守節四十二年

官田李映彩妻周氏年二十六夫亡無子守節五十年

夏莊盧全珣妻黃氏年二十四生子一夫亡守節三十六年

上南鄉楊約雲妻張氏聖環女年二十八夫亡無子撫姪德虎爲嗣守節二十年

北鄉李呈思妻楊氏年廿七夫亡氏撫孤守節五十六年

北鄉勘頭黃世瑜妻湯氏年二十九夫亡撫孤守節於今五十二年

滁陽村李五達妻張氏愛姑嚴陽山教文女年二十生子雷武寧孫志

元五達死愛姑守節五十五年電元妻張氏翠雲生員張敬修女年二十五生子騰萬電元死翠雲守節二十三年年豐鄉曹光德妻劉氏義寧州劉星輝女年二十七生子一夫亡守節二十六年

昇仁鄉聶華清妻潘氏崇源女年二十一生子一夫亡守節四十三年

桐林汪印云妻田氏年十九生子一夫亡守節於今卅三年江陰鄉邱如玉妻余氏年二十一夫亡無子撫姪志義為嗣守節五十年

魯溪劉尙灼妻羅氏年二十八生子一夫亡氏守節四十二年卒

下南鄉鍾雲達妻王氏合瓚女年三十夫亡子早殤撫姪隆級為嗣守節十九年

江陰鄉張宣幗妻盧氏年三十生子二夫亡守節於今三十五年

長樂鄉盧宣梅妻胡氏江陰胡明藻女年二十六生子定灼夫亡胡守節於今四十五年定灼妻張氏坊市 誥贈

武翼都尉張立元女年二十四定灼死無子撫姪正垣為嗣守節於今二十六年

薊田萬承璽妻吳氏年二十六夫亡撫孤守節四十五年孫青生員

北鄉廖學瀛妻王氏象葵女年二十生子一夫亡守節二十一年

坊市鄧永年妻李氏楊浦李應周女年二十一生子一夫亡

坊市鄧永年妻李氏楊浦李應周女年二十一生子一夫亡

守節三十一年子匡本生員

下南鄉羅元立妻鄧氏年二十九生子二夫亡守節三十五年

一都葉光朝妻李氏年十六夫亡無子撫姪先瑋爲嗣守節三十一年

北鄉明大週妻羅氏元魁女年二十八生子一夫亡守節於今二十七年

年豐鄉徐永錫妻曾氏偉儒女年二十五夫亡守節於今五十四年

楊洲李貽銀妻趙氏生子二夫亡守節三十五年

年豐辛於俊妻張氏維信女年十八生子一夫亡守節五十

六年子有光監生

江陰鄉張遇拔妻盧氏夏庄盧隱川女年二十五生子二夫亡守節三十一年

一都李學勇妻梅氏年二十六夫亡守節五十四年

一都梅天涯妻汪氏似春女年二十三夫亡守節三十年

湯民現妻李氏貽良女年二十二夫亡守節於今四十三年

年豐鄉上塘王炳庭妻劉氏年二十六夫亡守節四十二年

安樂鄉王天梅妻張氏年二十六夫亡守節四十六年

下南冲柯勝琮妻劉氏廣昌女年二十生子一夫亡守節計

歷四十七年

魯溪劉東承妻潘氏生員潘道泰女年十九夫亡生遺腹子守節五十三年

昇仁鄉劉賢何妻瞿氏年二十二生子一夫亡守節二十餘

年

昇仁鄉劉昆榮妻周氏有餘女年二十一夫亡守節五十三

年

柯演時妻熊氏家祔女年二十夫亡生遺腹子守節五十五

年同室婦女終歲恒不一面

昇仁鄉十都人

昇仁鄉陳繼波妻劉氏尚源女年二十一夫亡守節五十年  
三緝源盧文甫妻翁氏下泐翁茂興女年二十八夫亡守節

六十五年

上南鄉楊定崑妻周氏旭南女年二十一夫亡無子撫姪瑤  
祖爲嗣守節於今三十年

昇仁鄉聶標萼妻張氏年二十九生子一夫亡守節五十六

年教諭項珊給古井水心額

坊市盧正槐妻張氏炳蔚女年二十一夫亡守節二十九年

劉新妹父守素生甫週字柯愈璉抱養於柯五歲愈璉殤九

歲其舅以配周姓子新妹不知十三歲周姓子議娶始聞

之新妹慟哭投水其舅救止以不醮給之乃安及十七歲

周姓子復議娶請期二月二十七日姨母來爲作嫁履新

妹曰盍先素者問何用曰嫁必除服二月十二夜與姨母

同寢樓上詰朝新妹晏起姨母先下樓遂穿素履以被蒙

面端坐自經而卒時乾隆二十年乙亥歲也周姓子聞女

死重棄聘錢與其舅爭鳴於官守素不忍女以正面蒙詬

赴縣告實邑令鄒公應元聞之驚異擬爲請旌會報最去

終不果後十四年教諭貴溪蔡錕偕同學劉開屏夏曰瑚

等伐石封墓爲傳鐫於墓碣上

蔡并旌以蘊璞奇貞額係昇仁鄉上南冲人



謝春姑坊市謝文良女幼適邱遠朋遠朋殤春姑既除服歸母家依弟婦姚氏孀居守貞數十年年七十一而卒

葉望娣南鄉人字坊市林良譜未嫁良譜訃至父母秘不使知望娣忽曰女夢郎至與訣郎病必危始告之故望娣請歸臨不許且陰為改字他姓望娣尋知以天日自誓遽返其聘遂幽憂成疾後良譜數月卒彌留時告父母必斬衰殮女父母重違其意終以林氏婦禮葬

石十姑頭陀村石有義女年十七字某姓子未嫁而某姓子殤十姑守貞母家卒年六十二歲邑生員石璜有詩見藝文

文

石成妹東渡石文鳳女年十五因舅氏作柯誤字於僕隸子旋覺父母怒廢前議將他配成妹守從一義跪泣以請不許遂潛身赴水死邑生員石璜有詩見藝文

長樂鄉舒士雋妻邑教職余振采女年及笄歸士雋孝事翁姑生子未育夫病侍湯藥廢寢食夫死悲痛慘怛瀕死者再越十餘日痛定忽詫然曰夫死矣吾何生為號踊而絕

北鄉甫田儒童魏圻妻李氏邑增生李藻女莊肅温恭年十七歸圻二十五歲圻歿矢志守節養親撫子婦職無虧道光二十八年氏年六十給松筠節操額

北鄉塘下儒童鄭承垣妻陳氏治餘女年十七歸垣二十歲垣得疾歿氏誓不貳性靜嚴事姑孝撫祧嗣某成立年五十三以節終

上南鄉葛先時妻葉氏松阜女母張氏年十八歸葛廿一歲夫亡搶地呼天痛不欲生既念孀姑苦節無依又腹遺娠

強起視殮無何遺腹墜遂擇繼二子盛錡盛釗爲嗣事姑  
撫子守節於今四十三年道光十四年同鄉京官戶部主  
事具結在禮部呈請 旌表有案

北鄉煙港方礪齋之妻陳氏陳策女吉安府訓導方瀚之媳  
十九歲歸越八年失偶事舅姑盡孝撫祧子成立得年四  
十三歲守節一十五年

坊市儒童練琇琬妻劉氏元龍女年十七歸越四載琇病故  
時氏年二十矢柏舟志撫姪躍乾爲嗣孝事翁姑勗嗣子  
讀書守節三十一年卒年五十有一

上南鄉羅溪葛會成妻坪原張方謨女年十六歸葛生子盛  
求氏年廿一夫故越四月又生遺腹子盛敖家貧舅姑老  
子幼茹苦守節於今三十九年

長樂鄉太僕寺卿盧浙次子定機妻豐良熊氏年二十歸越  
二年機故熊茹荼守志善事堂上值夫生歿之辰躬祭盡  
哀撫夫弟刑部主事前翰林院庶吉士鴻翹長子正焯爲  
嗣和丸課讀有成苦節三十八年道光丙午請 旌有案  
下南鄉邱漳芳妻劉氏年十九歸方有娠而漳疾沒陰置鵠  
枕下姑偵獲之詰其故泣曰婦幸而生男當撫孤若生女  
誓卽從地下姑諭而棄之越十旬果生男撫育成人今年  
七十有二艱辛守節五十年

順義鄉官田雷匹魯妻傅氏父執言氏歸匹魯得三子年二  
十九慘賦離鸞勵志自守節堅金石迄今三十六年

順義鄉地平村廩生陳鴻幹妻仰氏慶堂次女年二十九鴻  
幹以苦學傷不起氏痛憤求死翁姑慰止之今年已六十

字三子皆成次世璜道光丁酉舉人現署南安府上猶縣

訓導

順義鄉洞口村武生余光國妻陳氏進士陳之敬胞姑也年十八歸生子一踰五年光國歿氏事翁姑以禮撫三歲孤成立今守節三十四載比隣未嘗聞笑聲家世單傳今抱五孫

順義鄉傅胡氏三十七都消息塘傅匹三之妻年二十六匹三身故遺子二氏辛勤教養老姑無失禮今年七十孫曾林立一門之內閨誠肅然

下南鄉邑庠生邱英佐妻陳氏鼎富女年十八于歸是年佐入洋越十載以療疾終氏矢志撫孤事太姑與舅姑盡禮迄今年七十有六守節四十九年子二長攀桂邑廩生

下南鄉儒童邱志忠妻葉氏桂芳女十歲歸養夫家既筭行合卺禮性柔順善事舅姑甫生一子夫故時氏年二十一柏舟誓志年五十七疾終守節三十七年

下南鄉儒士邱志儒妻鍾氏開聖女九歲歸養夫家既筭行合卺禮克循婦職舅姑卧病侍奉湯藥歷久不倦年二十生一子歲未週而夫歿氏矢志撫孤守節四十六年

順義鄉三十四都唐賢吳妻李氏同邑喬松女年十八歸舉一子齒未及壯抱寡鵠傷飲血吞冰毅然自立翁姑子婦事皆以身完之守節於今三十七年

順義鄉洞口余黃忠妻傅氏年二十四夫故遺孤纔四周氏鞠之長年五十其子將爲請旌氏止之曰未亡守節完吾分也請則沽名矣非所願現年七十有六孫曾林立四

世一堂

江陰鄉儒童張文燁之妻盧氏宣學女年二十有五燁故誓不欲生既以無出強起爲夫立後乃撫夫兄子公塙爲嗣教養成入氏年甫艾遂歿茹苦守節二十五年

江陰鄉張文煙妻胡氏大超女年十九歸生子二甫逾四載夫故柏舟矢志節苦彌堅今年五十有五歷守三十一年北鄉儒童方道圻妻楊氏敬齋女年十八適圻二十五歲圻歿氏矢志守節凜若冰霜現年六十八歲

江陰鄉儒童王文藻妻胡氏大歡女年及笄歸恪遵婦職子一武經氏年三十藻歿冰霜自矢玉質無瑕現年五十有四守節二十五年

坊市崔申貴妻李氏者民樣東女年十九歸越二載生子一

夫故氏養老撫孤守節六十年年八十卒

長樂鄉羅坪余賢仁妻盧氏年十六歸歷五寒暑仁故氏節哀自存撫孤懋元成立補弟子員守志二十有二年卒

長樂鄉泰水儒童舒文蔚妻中泮太學生盧志綱女歸舒八載年二十六文蔚故以夫弟子明暄承祧現年七十有二猶言笑不苟云

長樂鄉拔貢生余瀛妻李氏年十七嫁越四載瀛以廷試抱病回籍故氏哀毀骨立善事高堂針黹營生冰霜勵志族黨皆敬重之現守節四十四年

上南鄉朱家山劉藻泉長子學言妻張盛吾女年二十六生子一禮高甫十月學言歿次子咏三妻黃鶴亭女年二十三咏三歿娣矢志守貞其撫幼孤成立張氏現年六十

六黃氏現年五十四一門雙節白璧無瑕鄉里咸欽之  
北鄉羅橋村儒童王文馥妻陳氏饒灣陳露華女年十七歸  
越七載夫以苦讀得吐血疾不起氏相舟自矢撫孤子甫  
緯成立繼志讀書道光二十年前令王給守貞昌後額現  
年六十有八馥之三弟文香妻萬氏竹灣生員萬鼎女年  
十八歸越十載夫歿氏亦撫孤立志烈婦同居冰霜其凜  
卒年四十有七一門雙節鄉里稱頌

江陰鄉陳延鳳妻吳氏宸傑女歸陳生子一氏年廿七夫故  
能始終以孝聞翁姑髦年多病氏年逾六十猶左右扶持  
不懈邑庠喻志恢贈聯云廿七喪夫節操永矢六旬爲婦  
孝養無虧卒年六十又九守節四十二年

江陰鄉邢尙芳妻汪氏其竹女年十三歸迄夫故時氏年二  
十有五自誓守志敬事舅姑撫夫弟子崇亨爲嗣教養成  
人今氏年五十五茹苦不憚幾三十年

順義鄉渠梁仰盛日妻徐氏年二十一而孀艱苦撫孤逮長  
娶媳喻氏踰年無出子尋早世徐痛祀餒養親姪世元子  
爲孫口嚼生米合許煮糊以哺冠而授室又不永年今徐  
守志四十七年終

北鄉干坑儒童汪宇球妻盛氏明隆女年二十生子治荃又  
二年而球歿越三十五年荃亦歿氏撫孤孫家采艱貞永  
守至今三十八年

江陰鄉胡教吾妻杜氏秦材女年及笄歸廿五歲夫病故矢  
志守節歷白首而逾貞今年五十九歲茹苦三十四年

江陰鄉儒童王頗千妻饒氏年十九歸旣五載夫故氏呼天

搶地誓不欲生家人以爲夫立後勸之乃強起捫擋家事  
撫夫弟子爲嗣迄今氏年五十四歲守節三十一年

北鄉儒童黃體淵妻胡氏拜賚女年十九適黃二十六歲夫  
歿氏矢志守貞祧姪爲兒現年五十二歲

北鄉儒童胡益滉妻熊氏輝玉女年十八適胡二十七歲夫  
歿氏矢志撫孤冰霜比操卒年六十三歲

北鄉漫流坑郭洪寬妻李氏年十九夫亡子僅一歲氏撫孤  
成立不貳其志卒年四十五歲

北鄉儒童劉萬經妻王氏冠雲女年二十適經旣逾八載夫  
歿氏孀守撫孤卒年五十歲

北鄉職員潘元綸妻陳氏陳璋女年二十歸綸越十載綸歿  
得遺腹子氏撫成立孀守三十五年

北鄉監生黃家詩妻王氏生員王鳴遠女封翁太學黃錫環  
之媳及笄適黃年二十六歲夫歿氏撫祧子先鎧成立孀  
守二十四年

北鄉百樓儒童劉定謨妻李氏佩中女十九歲歸謨越六年  
謨歿氏撫姪馨棟爲兒教養兼盡終節四十一年

長樂鄉楊州儒童李滌思妻盧錦波女年二十三歲滌思故  
氏欲以身殉苦孤子無依遂以守自誓事姑敬持躬嚴苦

節二十九年卒

長樂鄉盧宣化妻李氏年二十六化歿茹苦含辛冰清玉潔  
撫姪定翱爲嗣現守節三十年

長樂鄉盧宣鉞妻王氏年十九鉞故敬事八旬病翁善撫二  
姪爲嗣守節至今三十九年

正堂 卷二十一 四  
安樂鄉太學生余士駒繼室李氏北鄉坦中女年十八歸越  
五載夫亡氏髮髻當門備嘗辛苦撫姪爲嗣守節二十九  
年

安樂鄉余賢煒妻徐氏本鄉西川女年二十二夫亡生子基  
甫五月氏忍死守志事老翁撫兩幼叔人無間言子羸弱  
多病有隣婦悚之曰恐未可恃也氏泣曰若值此惟有死  
而已卒以成立且善學見推鄉里計守節實三十四年

安樂鄉余賢燕妻李氏本鄉崇華女年二十八夫亡家赤貧  
氏日夜勤紡織以資生擇親姪爲嗣守節於今二十七年  
安樂鄉儒童李蘭畦妻盧氏年十七歸李生子紹詒越十二  
載夫故氏矢志守節事翁姑撫稚子不憚艱辛卒年七十  
有七詒妻蕭氏年十八歸詒迄八年無出詒故氏守志如

姑求繼乏人以親姪桂馨分祧現年五十有九姑媳完節  
白璧無瑕里黨莫不憐之

長樂鄉盧定佑妻余氏月週適盧年甫十六笄未合而失所  
天涕灑黃泉璞完白璧撫姪翔爲嗣保身全歸貞守二十  
二年

安樂鄉八都石全亨妻張氏本鄉之繳女年二十四夫亡矢  
志不二撫三子均成立守節於今三十二年

安樂鄉八都石勝璠妻甘氏江陰鄉大經女年二十九夫亡  
柏舟自誓撫夫兄子世蘭爲嗣守節三十四年

順義鄉大田徐先禮妻黃育才女年十六歸舉三子越九載  
夫故矢志自守於今四十五年

順義鄉胡宋俊妻朱昌璠女年二十七而孀家故貧氏曉夜

紡績以哺三孤迄今年六十勤苦如故

坊市廬定琳妻吳氏爲吳陳氏女年十六歸逾九年琳病故氏無出安貧守志迄今三十八年現年六十一歲

順義鄉儒童陳繼楸之妻熊氏序洛女年二十六夫死子四歲遺五月孕剪髮入棺以明不二守節三十八年有小姑染足疾氏善遇之小姑後姑張出也張又多病賴氏以安時繼楸兄弟已析炊矣人益賢之

順義鄉仙人潭章方氏太學生方瞻女十九齡適章綸盛甫一載綸盛死氏守遺腹孤以長慈教有方事姑盡婦儀卒年三十六

順義鄉楊溪陳仁琳妻周太華女年二十六夫故撫孤子成立守節三十八年遠近無叵之者

長樂鄉西坑盧正熠妻黃氏年十九熠故矢志撫孤盛球成立得孫三球歿氏事姑順勗媳課孫維嚴現守節卅四年上南鄉斜港劉尙江妻張氏年二十三夫故撫夫弟淮之子爲嗣不壽張復祧以續之節壽迄八十有三而終

上南鄉磊石魏盛蘇妻職員陳子堅女年十八歸甫九月夫故撫夫弟之子澥爲嗣鞠育婚娶教誨成立守節於今三十八年

上南鄉下灣葉存養妻劉谷川女年二十四夫故子蕃甫一歲節哀撫字守節四十餘年歿

上南鄉下垵葉當佑妻吳錦榮女性孝姑氏羅耄年齒落艱於食吳嚼而哺之年二十六夫故吳痛哭欲以身殉姑曰二孫尚幼賴爾撫字爾死孤安托吳始強起視事越十一



年姑謝世吳哀毀成疾旋歿

上南鄉竹山葉可規妻蕭監二女生子三年二十四夫亡耐貧撫孤守節於今三十年

上南鄉葉國選妻張氏年二十八夫亡撫二孤成立守節五十年親見五世一堂孫紹鼎太學生

上南鄉羅溪山下葛繼遠妻葉幼青女年二十四夫亡撫夫兄之子先義爲嗣茹苦守節四十九年

上南鄉鏡原鄒響泉妻張慎堂女年二十一歸二十五歲夫亡越數月生遺腹子矢志守貞撫孤成立迄今三十五年

下南鄉邱志凌妻林氏旋秀女年十八歸生二子二十七歲夫故氏冰霜矢志淑慎持躬守節四十年終

下南鄉邱志正妻馮氏年十七歸生三子二十九歲夫故氏青年矢志白首完貞守節二十有七年

下南鄉姚詩論妻林氏潤堂女年十一抱養夫家及笄行合卺禮生一子年二十五夫故家無斗石矢志松筠守節三十七年

下南鄉田德炯妻張氏新野女年十九歸生一子二十三歲夫故氏矢志守節敬翁姑勤紡績年四十卒守節十有八年

下南鄉鍾詩鈺妻張氏年十七歸二十五歲夫故氏冰心允潔白首無瑕守節三十七年

下南鄉李瀧椿妻陳氏紹商女年十九歸二十七歲夫故氏矢志相舟善事二老慈撫兩孤守節四十年卒

下南鄉姚詩樞妻陳氏承珍女幼抱養夫家及笄行合卺禮

下南鄉姚詩樞妻陳氏承珍女幼抱養夫家及笄行合卺禮

生一子年二十四夫故家貧子幼氏矢志撫孤奉孀姑得其歡心守節三十年終

坊市生員張向辰妻翁氏安樂貢生翁蘋女年十九歸張善事舅姑佐夫子讀越九載辰病故翁以其姜之志自誓辛苦作未亡人者二十年年四十七而終夫弟職生向斗以子英濶嗣其後

坊市職員鄧世暹妻盛氏峽江教諭盛元績長女年十七歸鄧踰六年夫故時氏家貧無子矢志自守撫姪爲嗣艱貞歷五十餘年卒年七十有五先是氏有正誼書院門首屋數間基地一片氏獻歸書院以庇士子其好義尤可紀云坊市陳繼謙妻黃利山女幼抱養夫家及笄合卺無何氏年二十四甫生一子謙遠謝世氏安貧守志善事二老撫子

有成苦節歷三十年現年五十三歲

北鄉建富村李勝環妻方氏年二十一夫故氏攜呱呱子棲半椽屋親屬嘗微諷之迄不變終日爨下機房間雖同居罕聞其聲現年六十苦節三十九年

北鄉西坑儒童明大進妻王氏棠文女年十八歸明九載而夫歿當夫彌留時氏剗股肉煮糜以進不起欲以身殉繼念遺孤在抱矢志守節現年五十九歲孀守三十二年

江陰鄉王璣昌妻華邁帆女年二十五而孀遺孤二鑑銘氏夫弟璆昌娶李氏年二十二璆身故李無出華以次子銘繼之相與共勵貞節今華年七十三李年五十九

上南鄉霞莊葉鶴翔妻羅韻陶女年二十八夫故僅生一女適羅溪監生葛大倫撫姪文載爲嗣教養兼盡完貞白首

人無閒言卒年七十有六

上南鄉羅溪葛先圭妻蕭監二女年二十九夫故生遺腹子盛鈺家貧姑老氏矢志守節於今四十五年

下南鄉儒士陳光裕妻賴氏國芳女年十八歸二十三歲夫故氏冰操允潔善事翁姑年四十八而歿守節二十六年下南鄉葉開瑛妻張氏年十八歸二十四歲夫故無子以姪顯祧氏青年守節撫子成立守節四十九年

昇仁鄉庠生洪程翥妻陳氏興國州文儒女年二十五夫故氏矢志不二養翁姑撫幼子嘗解衣易朝餐因風僵不能起立今年五十有四守節三十年

昇仁鄉儒童洪味三妻聶氏本鄉聖論女年二十三夫故撫夫兄子定爐爲嗣守節於今三十二年年五十有四

昇仁鄉上洞口劉正春妻陳氏本鄉思葵女年二十二夫故氏事姑始終無失禮家貧無子不能立繼熒熒獨處至七十歲卒計守節四十八年

昇仁鄉黃陂坂儒童黎承樂妻劉氏洞口儒童健承女年二十九夫故窮餓守節至今七十有二

昇仁鄉下車冷貞樸妻張氏扶姑邱村先禮女年二十六夫故養繼姑育四稚子以女紅不給乃煤其顏以行乞有贈金者皆叱之去或暮歸阻雨必顛入處子閣坐以待旦比姑歿子成立氏亦旋卒蓋茹苦二十有九年也

昇仁鄉龍口嶺上儒童張明連妻盧氏菖蒲塘國環女年二十四夫故一號顛地扶入房踰月昏迷不省人言後漸蘇念家貧無子姑老益勤女紅以佐甘旨繼姪勤栲爲嗣視

如已出守節於今二十九年

昇仁鄉貢生戴榮光妻劉氏與國州聖可女年十七歸戴善  
事舅姑二十九夫殞氏欲相殉舅姑百端曉之止有夫弟  
幼多病氏扶持周匝甫冠而天又爲之立嗣舅姑歿哀動  
四隣子太學生高氏常肅以大義致家政秩然今氏年六  
十有三四世一堂人以爲節孝之報云

知縣李給志  
凜冰霜額

昇仁鄉儒童李文畧妻聶氏本鄉能三女三十而寡家貧亦  
延師課子不忍遺書塵封也今守節卅五年

知縣李給節  
堅金石額

昇仁鄉儒童冷坎亨妻聶氏本鄉開郡女年二十七夫故守  
節於今四十年冰心雪髻雙清也教諭范佩蘭給額曰明  
白流芳

氏無子以夫弟之子繼鎮分承宗祧

昇仁鄉儒童張榮楓妻劉氏本鄉遇川女年二十九夫故氏

守節以紡績爲生於繼嗣教養兼至年六十有四矣

昇仁鄉儒童謝義馭妻葉氏本鄉廩貢士莊女年二十八夫  
故事病姑曲盡孝道成全遺孤一太學生蘭森一邑庠生  
秉金迄今六十一歲

昇仁鄉大橋河劉廣倥妻黎氏本鄉應學女二十九歲夫故  
事姑育子艱苦備嘗今六十七歲猶四壁蕭然

昇仁鄉梅顏垞劉士光妻夏氏光漢女年二十七夫亡氏惡  
其俗汚下攜一孤轉徙母家茹苦守節比身老子壯方回  
故居今年六十五焉

昇仁鄉聶若谷妻葉氏本鄉世瑜女二十五歲夫故堅守至  
五十二歲歿處阨窮二十八年梓里俱知其爲苦節也

昇仁鄉張敷浩妻葉氏本鄉先講女二十六歲守節迄今二

十七年年五十有二抱冰茹苦人無閒言

昇仁鄉張志經妻聶氏本鄉文質女年十六歸張生子一又七年志經身故氏守節至今四十六年教諭范佩蘭贈額

曰冬嶺秀松

貞女冷氏昇仁鄉潤堂女幼字本鄉張念六四歲以六朝拜

時之禮入張門十九歲念六疾卒未合昏也冷守義不嫁

迄今苦况清操三十三年教諭范佩蘭額以旌之曰貞明

女宗

昇仁鄉儒童張揮鐸妻黃氏北鄉裕泰女年十七揮鐸卒氏

孝養翁姑恒齋戒敬神以禱壽考康強撫夫兄子金元為

嗣課讀懇懃守阨窮三十三年病故

昇仁鄉東原黎功智妻周氏瑞昌監生興銳次女年二十五

功智卒氏堅志撫三歲孤成立距夫卒三十三年以全節

終

昇仁鄉東原黎功魏妻盧氏本鄉邦榮女年二十四功魏病

故其子宗濤甫一歲盧多方長育及冠受室瑞昌周氏生

子德棠德棣洎宗濤夭周氏纔二十六歲志如其姑盧歿

年六十七守節四十三年周存年五十四守節二十九年

一門兩節洵蓬茅中雙璧皦然也

昇仁鄉魯溪劉廣川妻熊氏本境明道女年二十七無出夫

亡熊氏矢志靡他常以其鷄鳴布丈二尺縛腹使三斗米

食至六月之久迄今守節三十八年有繼嗣矣繼嗣各崇

亨夫弟之子

昇仁鄉上洞口劉廣東妻黎氏本鄉宏虎女年二十四夫故

或憫氏家貧無子將勸改醮乘閒譬曉氏哭剖其志往夫  
阡叩首流血自誓不二後無敢復言者守節四十一年老  
死

昇仁鄉上洞口劉彥瑤妻柯氏本境愈錢女年二十六彥瑤  
死柯孑然寡處雖女曹亦恒不交言近抱恙五年力疾操  
作恐遺姑氏之憂臨危求姪顯詒爲嗣約定而絕守節二  
十二年

昇仁鄉塘尾劉才鏡妻陳氏本鄉彥琳女年二十九夫亡氏  
上事二老下畜孤兒仗十指爲衣食惟是雨晦風濤機聲  
軋軋與隣雞相和達旦守節三十五年卒

昇仁鄉瞿華玉妻劉氏本鄉冠羣女年二十九夫故氏誓從  
一而終撫孤子成人使餬口四方獨處至白髮蕭蕭如故  
守節迄今四十一年

昇仁鄉菜坑夏令德妻段氏本境元煌女年二十夫亡段欲  
相從地下其娣余士凰女以養翁姑立繼嗣勸止迨余氏  
世齡其夫令心亦亡遺腹生子緒賢段余同志偕撫其子  
成立以之分繼迄今段守節卅八年余守節卅三年一門  
婦姒相與從容就義如此

昇仁鄉林良利妻余氏本鄉佐魯女年二十一夫故姑老子  
方一歲恐死以守四十八年疾卒

昇仁鄉梅顏灣劉國杰妻夏氏妙英田鋪以生女善針繡組  
紉年二十九夫故茹苦守節五十一年卒今後嗣八十餘  
人

昇仁鄉樟山夏顯崖妻余氏本境文遠女年十八夫亡氏阨

窮自守撫藐孤有成爲未亡人者六十年卒年七十有八  
貞女黃張氏昇仁鄉大鐸女十四歲歸本鄉黃門夫冠煒纔  
十一齡未行合昏禮越三年而冠煒卒女誓心古井理家  
政內外肅然姑右手患疽爲扶持抑搔十餘年無疲容而  
待繼嗣亦寬嚴得中守貞至年四十八卒太璞完歸也  
昇仁鄉紫鹿盧奇埠妻張氏鄧坪明凰女年二十九夫故撫  
孤守節迄今三十年

昇仁鄉洞口儒童劉欽豐妻周氏古塘恭佑女年二十九夫  
故氏毀容作苦二十餘年始克立姪明藩爲嗣迄今守節  
三十有四年矣

昇仁鄉茅畚盧廷材妻齊氏本鄉榮杏女年十九夫亡矢志  
守節事翁姑尤肫摯翁姑歿繼子亦歿氏雖窮餓而耿介  
之性并母家不至者已三十七年

昇仁鄉劉文竹妻湯氏菊娥本鄉遠東女二十五歲夫故氏  
壹志守節養老慈幼至十九年病卒

昇仁鄉余顯地妻劉氏本境文勳女年二十一夫故守節於  
今三十七年

昇仁鄉夏顯魯妻劉氏本鄉高擯女年二十七夫故氏盟心  
冰雪家故赤貧不得已乞食遇羣丐叢集氏必離立不交  
一言日斜卽歸從不迨暮叩門如是者三十八年猶存

昇仁鄉洞口劉柏承妻熊氏本境  
嗣守節四十五年以窮苦死  
女年二十七夫亡立

昇仁鄉洞口劉釗承妻柯氏本境勝神女年三十夫亡撫孤  
守節歷盡艱辛者迄今五十年

昇仁鄉洞口劉高承妻瞿氏本境榮龍女年二十九夫亡乞食撫孤守節至今二十有二年尙不免凍饑

昇仁鄉洞口劉宗方妻柯氏本境愈莊女年三十夫亡乞食撫孤守節三十七年白首苦辛

昇仁鄉田阪儒童柯愈瑒妻鄒氏瑞昌國均女年二十七夫亡乞食撫孤守節四十三年枵然待盡

昇仁鄉洞口劉宗輅妻柯氏本境勝尙女年三十夫亡乞食撫孤守節三十年貧苦僅存

昇仁鄉高陂阪柯勝韓妻黎氏本鄉女年十九夫亡勞苦撫孤六十七年無疾而卒

下南鄉盧發炳之妻黃氏操士女年十八歸二十七歲夫故氏家貧子幼青年守節白首完貞卒時五十七歲計守節

三十年

北鄉華應先妻李氏十八歲歸華二十八歲夫亡家貧如洗難以自存氏紡織度命撫孤成立現年六十四人無閒言順義鄉瀧溪劉榭斯妻葉明桂女年二十九夫故守遺腹孤至六十八年卒言笑不苟恭順堂上以老後值舅姑及夫生歿之辰必斂容致祭不怠

順義鄉井田鄭其家妻義寧州陳甯清女歸舉一子年二十九而孀矢志撫孤釵荆布裙勤勞操作歷三十二年無少懈其欸應賓客尤殷殷有侃母截髮風

順義鄉三十七都龍石坳下黎余氏三十五都禹聞公女舉人承翼胞祖姑也年十七適黎大貴生子二至三十而寡苦守三十七年事老姑以色養心慈好惠雖家落如故儒



學正堂范給骨勁心慈額贈之

上南鄉三十九都丁潑懷之妻順義鄉瀧溪鄭女年十

九歸丁二十六歲而寡氏矢志完貞至道光丁未年身故  
計守節十五年

江陰鄉節婦李嘉奎之妻陳氏繼釗女年二十一奎故家薄  
有勸以改醮者氏不允耐貧守節計三十一年

上南鄉石門樓張有爵妻鄒氏鏡原奕權女年十六歸二十  
四歲夫故生一子甫週氏是時痛不欲生顧念乳下幼孩

誰撫之成立乃勉起視事操井臼勤紡績艱難累數十年  
家漸裕又樂行善事嘗倡修徐坑白石墳下何家二處橋

梁享年九十而歿守節計六十七年

子榮山鄉賓

安樂鄉一都李殿組妻張氏本鄉以珪女年二十四夫亡家

甚貧氏矢志撫夫兄子爲後有姑極嚴能順事姑患痢氏  
侍藥滌垢不稍辭勞守節於今三十六年

安樂鄉一都李殿芸妻長樂鄉太學生盧志綱女年二十六  
芸以勤學得瘵疾終生子焜僅七月氏矢志撫孤越十三  
年而卒臨危囑其子務成父志今焜曹試屢列前茅庶幾  
節婦有後云

安樂鄉五都王庭璜妻昇仁鄉職員黎慕庭女年二十五夫  
故遺孤僅一齡氏誓守且日攜農具出耕面垢首蓬毫不  
修飾守節於今四十二年

下南鄉萬澹泉之妻鄧氏文魁女年十九歸二十三歲夫故  
撫姪永梧爲嗣慈孝兼盡艱辛守節四十八年年七十歿  
下南鄉田爾耕之妻萬氏年二十九夫故氏守節撫孤人無

間言現年五十九守節三十年

昇仁鄉南坑齊華伺妻陳氏本鄉順仁女年二十二生一子  
踰年夫亡守節二十年死清操亮節隣村婦孺咸知

昇仁鄉西坑楊太智妻齊氏本鄉遠鳳女年二十八太智卒  
氏撫其弱子守節三十五年紉鍼補綴如故

昇仁鄉謝坪黃名侃妻王氏安樂鄉三山王世章女年二十  
七夫亡畏近男子家無僱工每黎明挈二孤往取薪水以  
供日用年八十七卒計守節六十年人皆稱其織塵弗污  
北鄉韋道喜之妻張氏年十八歸韋二十九歲夫歿氏矢志  
撫孤清貧不厭現年六十一歲節守彌貞儒學范給激心

秋水額

上南鄉霞庄監生葉鳳鳴妻車田羅石堂女年十八歸生子

文熊文罷文炳二十九歲夫故氏矢志完貞上奉高堂能  
以孝養下撫幼孤至於成立家頗豐錢穀出入悉由一身  
經理之裕如也守節於今二十三年

順義鄉熊仁福之妻喻仁賓女舉人喻贊猷之妹年二十歸  
熊事張太姑與其舅姑愛敬倍至二十九歲而寡撫子成  
立子卒遺三孫氏飲冰茹荼育藐諸孤一門賴以成全今  
年五十八守節二十九年

北鄉李騰奎之妻陳氏治餘女二十歲歸李越六載而夫歿  
氏矢志苦守撫子成立現年五十三歲人無閒言

北鄉黃維椿之妻陳氏顯文女少歸黃二十八歲而夫故氏  
誓不二撫孤成立卒年六十七歲鄉里稱頌

安樂鄉張之黻妻李氏年二十五而寡以有遺孕不敢殉夫

越數月果生男氏多方撫字稍長訓誨綦嚴家聲益振年七十卒蓋守節四十有六載云

安樂鄉二都董雅之妻本都太學生黎品三女年十九適雅之越二載夫故氏矢志不渝撫族姪緒琳爲嗣守節於今三十一年

年豐鄉儒童方懷貞妻鄧氏年二十七貞卒彌留時視子傑囑曰膝下孀孀獲延一綫卿之賜也鄧泣曰有不諱當死守之傑長娶黃氏鄧治家故嚴黃仰事惟謹子二通達黃年二十九傑卒兩世孀居形影相弔鄧節四十八年黃節十八年教諭范給貞義嗣徽額

年豐上青邢陳氏幼適南金年二十九夫故守節四十五年子尙得娶李氏謹事翁姑年二十九夫卒子崇章甫週養志哺孤抱冰紡月卒以成家守節四十年邑令李給世守堅貞額

年豐大源焦守仁妻劉氏年二十四夫故遺田三區不滿二分子二舅六旬癱瘓無伯叔兄弟劉且樵且耕二三日一果腹舅姑未之知也舅卒曲承姑歡然言笑不苟守節卅年不以老少異也今膝下十五人教諭范給冰霜自厲額年豐稗舍洞阮遠桂妻孟氏年二十七夫故三男幼弱一姪孤哀孟並撫之成立歷清節三十八年今食指數十人肅然一室

年豐九樓儒童車承中妻徐氏夫苦學勞心得血疾卒徐年三十子不育家益窘遂罄所有資喪祭妯娌知其謀相從於地下環守之慰以從容就義爲立後計不得死苦節二

十四年教諭范給如蘭斯馨額

年豐上墩李煥新妻陳氏年二十六夫故子二若江若淮艱辛撫養承堂上歡守節三十年

年豐櫻田李遠枚妻楊氏早寡舅姑垂暮年二雛幼弱俯仰胥賴氏以婦代夫以母兼父享壽八十六歲守節五十六年

年豐田畔李茂光妻焦氏年二十九夫故舅姑且老三子在襁負強起視事井井有法守節二十三年邑令李給松筠節操額

年豐二十八都殿背邱光琇妻陳氏年二十七夫亡堂有老姑兒纔半歲氏并力維持之守節今二十六載人無閒言邑令李給柏舟矢志額

年豐三十一都張李氏太學生煥南女年十九歸翠雲越八年雲卒李幾結泉下盟而倍增堂上戚不獲已心澄古井清操三十三年立繼以承夫祀

年豐三十一都鄧楊氏年二十歸國祥三十歲夫卒雙親暮齒一子弱齡守潔五十二年歷年八十一歲王邑侯獎美匾云松柏延齡張贊府褒揚額曰允全壺德

年豐三十一都陳李氏十九歲適電光越八年光卒破屋三間荒園半畝暮年姑舅弱歲嬰孩相倚託焉阨窮三十七年春秋六十四紀

年豐小九宮汪氏適鄒昌貴年二十八失所天生一子人倫舅早世奉姑視事誓志撫孤迄於有成繞膝十餘輩帖然肅穆守節四十三年

下南鄉邱增剛之妻劉氏年十八歸生子一年二十四夫故氏撫孤成立白首無瑕年六十有二守節三十八年

上南鄉荷山黃聖文之妻楊氏年十七歸至二十八歲夫故守節於今二十五年

上南鄉車田羅允喜妻葉青文女年十六歸生子三至二十五歲夫故撫孤守節行年七十而卒

安樂鄉曲池張以壑妻王氏本鄉三山世舉女年二十四夫故氏撫子亨鑄矢志靡他迄四十五年卒鑄妻四都王宗安女生子樂滋尋鑄又故氏年二十八苦節如姑迄二十五年卒今滋又逝矣妻誓守以年例未符不載一綫之延待謀諸族過其門者莫不悼歎

安樂鄉曲池儒童張亨鋒妻王氏本鄉三山繼果女年二十一歸張纔月餘鋒亡氏決不獨生家人喻以毋重二老憂遂強起侍養舅姑家貧乏勤紡織以易菽水足不出戶迄今四十有八年里黨欽之

安樂鄉儒童葉存初妻本鄉董令元女年二十六夫故氏以婦代子承二人懼翁喪明奉湯藥始終弗懈撫姪文寶爲嗣訓誨成立守節於今四十年

安樂鄉生員王勳妻盧氏長樂鄉良語女年二十五勳得病氏日夕默禱願以身代尋勳故誓從泉下老姑勉以大義始忍淚強起撫姪功補爲嗣甫成立而歿氏遂賫恨以終計守節三十六年

安樂鄉六都黃永全妻本鄉七都余宗鶴女年二十歸黃越二年夫故無子氏忍死持節善事舅姑撫姪爲嗣於今三

十八年言節者每樂稱之

安樂鄉五都王世煜之側室陳氏年二十四煜故氏有遺孕  
尋生一子矢志自立善事正室勤恤孤兒既冠不祿又撫  
兩孫成人實苦節四十有八年

長樂鄉金益儒士舒學誥妻羅坪監生余諱女年十八歸舒  
佐讀八載誥資志以歿氏哭之痛強起自存孝事翁姑親  
承洗腆足不出閫外者歷十七年撫姪顯祐爲嗣今抱孫  
矣

長樂鄉官田儒士李子膏妻泰水邑增生舒鶴女年十七克  
循婦道閱五載夫亡撫二孤俱成立守節五十年族隣毫  
無異議

長樂鄉羅坪登仕郎余咏棠之側室李氏有寵於棠年二十  
七無出而寡以姪賢柱雙祧苦節歷十七年咏棠弟懷之  
妻霞莊呂正垂女也年二十于歸越五載生子賢柱歲甫  
週懷之病故氏守志至四十八年卒兩節共盟一孤分祧  
何阨窮如之

長樂鄉潢溪太學生盧堞妻本都分發浙江縣丞余珽長女  
適盧十一載生子四堞歿氏矢志撫孤俱成立長子鏞應  
試有聲季子鏞遺孕也守節歷三十四年親見孫曾玉立  
焉

長樂鄉潢溪盧定銘妻余氏安樂鄉坂頭繼浚長女年二十  
九夫故氏守節撫孤甫成卽世迄今六十三歲茹荼待繼  
族黨憐之

長樂鄉太水舒汪氏建昌柘林汪碧川女年十八適儒士舒

文賽等歿氏年二十五之苑靡他守節歷十二年以姪太學生明宇分承宗祧

長樂鄉灘頭盧從楠妻一都監生李鴻女于歸九年夫故貧無立錐地茹苦守節計二十三年以姪文濟爲嗣

長樂鄉中潢生員盧溶女年十六適羅坪太學生余紹本生子二失怙氏撫之成立訓以義方苦守歷二十一年

長樂鄉岳步雲妻破石王仲文女及笄適岳生子佐周年二十八夫亡以撫孤不得從泉下盟娶媳盧氏大田宣滌女也年二十失偶姑媳相依耐貧孀守王存年八十二盧存年五十七過岳家村者咸憫之

安樂鄉破石王文瑄妻李氏建邑磨刀先漣女于歸十二載文瑄故氏年三十矢志甘貧撫夫兄子功字爲嗣艱辛守節者十有九年

安樂鄉破石王瑞組妻汪氏本鄉龍腹漆邵女年十七歸王越十三載夫故時老姑在堂諸孤在抱嘗爲人操井臼針黹之事爲仰事俯畜之資赤貧自守百折不渝卒年六十有七守節三十七年

安樂鄉破石儒童王瑞幹妻呂氏長樂鄉瓜源其珂女年二十三歸瑞幹越六年幹歿氏上事翁姑下撫孤兒備嘗辛苦守節於今三十六年

安樂鄉六都儒童陳延溪妻本鄉余德備女延溪勤學不祿時氏年十九忍淚勉起順事老姑謀族姪爲嗣又殤乃以胞姪槐分祧守節三十二年卒

安樂鄉破石儒童王瑞鑑妻長樂鄉下庄盧宏甫女年十六

適瑞鑑生子二而鑑病癱左右扶持毫無怨悔鑑歿氏以廿四青春剪髮自誓撫子曰猗曰獲俱成立苦節於今三十九年

昇仁鄉葉錫之妻成氏興國庠生西六女年二十九夫亡守節歷二十一年

昇仁鄉葉世若妻聶氏本鄉象烽女年二十五夫亡守節迄今三十三年

昇仁鄉聶斗懋妻程氏本境明輝女年二十七夫亡守節迄今二十八年

昇仁鄉儒童謝繼雄妻王氏本鄉隆燕女年十九夫亡守節迄今三十四年

昇仁鄉洞口劉欽懷妻艾氏本鄉永湖女年三十夫亡立嗣守節堅忍饑寒者歷三十年

昇仁鄉大塘熊立興妻黎氏本鄉文彭女年十九立興疾卒有言夜寒獨宿之難者使之聞之氏立叱去號泣竟日誓無他志其三姪失恃皆躬親撫育其夫遺產因無片壤之存苦守至今六十二年

昇仁鄉北宅儒童劉崇釗妻張氏本境武顯將軍大鵬女年二十三崇釗病故遺孤俊浥生甫八月氏苦守三十一年今抱孫焉

昇仁鄉湯遠東妻冷氏本鄉楊六女年二十九夫亡守節迄今三十九年

上南鄉羅溪葛耀庠妻下庄監生葉光緒女年十八歸生子四至三十歲夫故撫孤守節於今二十四年



順義鄉岳溪楊作煜妻年豐李劍泉女年二十六夫亡遺腹  
生女矢志不二隣嫗乘間言曰若年少一轉首樂地多矣  
何自苦爲氏翻几上盃敗地失聲曰吾其狗彘哉盡驚其  
坐人出涕事太姑晨昏敬慎姑亦如之撫其叔上階之子  
善廉爲嗣守節於今二十五年

坊市儒童黃舒資之妻張氏羅堰達江女及笄歸黃生子秉  
倫甫週而舒資病故張慟哭不欲生旣奉堂上勸誓志撫  
孤時年二十一歲孝事尊嫜勤紡績佐生理諄諄教秉倫  
讀書迄今苦節三十年足不踰閭雖至戚罕見面者族里  
仰其操守咸稱道無間言

順義鄉三十七都劉墨田妻鄭加祥女年三十而寡子二氏  
撫之守節十九年

長樂鄉余亨之妻盧退軒女也年十九夫亡孝事翁姑撫姪  
爲嗣苦守三十六年

烈女

上南鄉漚霞村邑庠葉顯翰妻邵氏年二十四夫亡哀毀不  
食未踰月而卒

順義鄉地坪陳董氏候選從九鴻業妻父敬書鄉飲介賓年  
十九歸甫三載鴻業見背氏哀號捨地暈絕娣姒救甦之  
勺飲不入口七日左右強奉以進又三日死

順義鄉仙人潭廩生章文暄妻陳氏邑庠生鴻善長女年二  
十一歸文暄越數年無出夫故慟哭廢食卧床踰月嘔血  
數升絕

補遺

武寧縣志卷之二十四  
北鄉二十七都鄆子政妻興國大治主簿翁德粹女孫也生  
宋紹熙庚戌歿宋咸淳己巳年八十守節五十載子二必  
元必成晚年拜皇朝錫類恩特封孺人 據宋代碑載入

武寧縣志卷之二十五

武寧縣知縣滇南李 珣纂

仙釋

洪荒既啟愚從智牧道術紛紜異軌同轂或統其全或  
致其曲二氏所宗柱下天竺抱一崇虛離羣絕俗厥趨  
雖岐歸於自淑武本奧區褒山邃谷仙佛棲遊鑪盃相  
續不侈宗門保其幽獨礫德攸彰眞修是勗志仙釋  
仙

東漢

丁令威本縣人幼靈異七歲入山求道洞澈元理棲眞於

青牛洞口仙去

舊志載晉建武元年三月三日仙

後化鶴歸鄉下華表

歌曰有鳥有鳥丁令威去家千年今始歸城郭如故人

民非何不學仙塚纍纍

按通志載令威故居在武寧林志云令威故宅在武寧縣東三十里又輿地紀勝精靈觀卽令威故居在武寧縣東遼山之東明一統志令威宅旁有青牛洞洞口石曰遺巾合証諸書令威爲武寧人無疑遼東本武寧山名世或誤以山名作郡名遂疑丁爲遼東人攷遼東志雖有華表山而飛天仙人經止云化鶴歸鄉下華表華表城樓上柱非山也若武寧之遼東山精靈觀以及巾石煉丹臺禮星壇諸名蹟班班可考原非假借附會云

王喬河東人

馮志誤作周時王子喬

初爲葉縣令有神術每朔望飛

鳥詣朝人莫測也隱德安縣之崑崙山嘗乘紫鹿訪丁令威於青牛洞口後皆仙去因名其地曰紫鹿嶺

晉

丁義本縣人精燒煉術授吳猛以神方後入山修真不知所往

丁秀英丁義女也幼靈慧聞父與吳猛講論丹術輒注聽忘倦義手錄秘書秀英竊視之卽洞解元理謁謀母得九還要道遂藏修於白鶴山吳彩鸞嘗就學焉後乘鶴仙去

按吳猛傳邑人丁義授以神方則義爲豫章人明矣通志編入高安與正史不合又載高安有白鶴山爲秀英燒煉之所遂以丁氏爲高安人仙家雲遊無定何必附會且武寧縣南二十里有白鶴坪世傳丁仙

舊宅云卽秀英跨鶴上昇之處又瓜源有丁仙崖一徑險絕捫蘿而上得平地可數十畝其上有石曰鐵甕重各千斤非神功莫能運皆丁義遺跡其爲武寧人奚疑也今從晉書訂正

吳猛字世雲豫章人幼以孝聞夏日不驅蚊慮其去已而

噬親也年四十邑人丁義授以神方嘗還豫章不假舟

楫以羽扇畫水而渡復師南海太守鮑靚靚字太元得東海人

秘法雲符同許遜謁謀母盡得其要妙一日暴風起書

符擲屋上有青鳥銜去須臾風息人問故答曰南湖舟

中有二道士呼救以此拯之訪之如其言庾亮爲江州

刺史時遭疾聞猛神異乃迎問猛辭以算盡請具棺服

旬日死形狀如生未大殮失其尸人以爲亮死之徵亮

果不起西安令于慶死已三日猛曰數未合終當生之

遂卧尸傍數日與慶同起慶弟竇感其事爲撰搜神記

慶好獵猛諫不聽一日大獵引火烘天而猛坐草中羣

獸依附火不能及晉寧康二年許遜上昇猛亦乘白鹿

車與弟子四人冲虛而去宋封神烈真人

按晉書吳猛豫章人攷職方乘吳析海昏建昌地置

西安縣晉太康中改西安爲豫章縣太平寰宇記云

卽今之武寧也通志作新吳人誤至安志稱猛仕吳

爲西安令據本傳直云豫章人無令西安事且猛旣

爲西安令復救西安令于慶之死前後牴牾今從信

史訂正

舊志載猛所居曰西安有仙壇吳仙觀武寧在漢爲

西平縣或亦因其故名

許遜字敬之南昌人少從吳猛傳三清法要晉太康初棄旌陽合謁謀母於丹陽授以道術煉丹於黃龍山得寶劍於梅山之下永嘉末海昏有巨蛇噓氣吸人吞噬甚衆遜仗劍斬之嘗捕蛟至武寧試劍於箬溪巨石上石分爲二斬蛟於邑西之龍潭後人建龍潭寺以祀焉寧康二年八月一日拔宅上昇按遜字一作敏之

董晉字混成西門人素業治兄弟三人從許遜捕蛟二兄遇害晉益感憤遜授以秘法遂精道術卒助遜周行郡邑驅逐至邑西龍潭殲之鄉人就其故居立廟祀焉唐勅封際眞護法忠懿侯王其廟曰白馬

按晉故居在今縣治西鐵爐巷垣牆鐵冶遺跡現存

淨明全書稱晉爲分寧人誤今從舊碑訂入

舊志

唐

吳彩鸞猛女也唐太和末遇書生文簫於遊帷觀歌曰若能求伴陟仙壇應得文簫駕彩鸞自有綉襦并甲帳瓊臺不怕五更寒歌罷穿松徑捫險上簫躡踪至絕頂有仙童持判云彩鸞以私欲洩天機謫爲民妻一紀乃同歸鍾陵簫貧不自給鸞寫孫恂唐韻日可一部鬻獲五緡金盡復寫如是十年稍爲人知遂潛往越王山各跨一虎陟峯巒而去

按吳猛以晉寧康二年仙距唐太和末彩鸞遇文簫已近五百年矣仙人之歲月原不可知卽丁令威東漢人舊志載晉建武仙去相距近三百年亦猶是也

呂崑字洞賓蒲州人遊屐至武寧入鍾鼎山愛其巖洞幽僻流連不舍所坐石崖至今手跡宛然其旁有丹井丹竈藥臼諸跡山下玉清宮立像祀焉

按洞賓雲遊天下鍾鼎遺跡或亦有之而後人欲竇其事偽託詩章又不雅馴舊志收入藝文尤屬荒謬以知仙人所至顛倒於後世者亦難任受也

何仙姑零陵市人女呂純陽以一桃與之食其半得不饑嘗采藥於武寧之三山後人因建何仙庵

黃婆相傳唐時隱鍾鼎山深洞煉丹搗藥又釀泉爲酒太平山腰有黃婆酒店往往以酒飲樵夫獵子忽沒不見所居洞曰黃婆洞

盧仙姑武寧盧尙書女幼好神仙修煉於邑之飛洞山白日冲舉遺履化石至今存焉

**宋**

趙道昌紹興間結茅於鍾鼎山曰冲和菴與其徒種藥採芝葆真養性深得吐納之妙後不知所終

按楊恢記宣和間勅宣道士朱德英住持在道昌之先已有其人非自昌闢而冲和之名則始於昌至嘉熙間余大雅易冲和曰玉清又距昌百年矣鍾鼎幽奧往往有異人棲息吳鵬桂希卜理湯豁然三鹿道人皆羽士名流也

張道清字得一號三峯鄧州蒲騷里人少穎悟喜讀方外書稍長或數日不食或入山半旬不返家人踪跡之見清坐臥一崖猛虎踞側帖伏如家畜已而棄家至長森

結草庵以居用符水濟人甚驗淳熙丁未入九宮山結  
茅棲息慶元己未寧宗不豫召清醫治勿藥而起賜號  
真牧真人爲建欽天瑞慶宮開禧中金兵過長森清端  
坐繩床眾曳之弗能舉叢矢環射矢悉倒却兵益憤縱  
火焚其庵薪盡焰熄眾大驚散去丁卯七月七日蛻化  
至今兀坐山上

白玉蟾瓊州人姓葛名長庚善屬詩文好遊山水往來佳  
勝輒有題咏至武寧抱琴上柳山同譚元振黃日新憩  
於湧翠亭徘徊江上顧天大嘯酒酣作記紹定己未冬  
解化賜號養素真人

章權孫順義鄉仙潭人生宋景定壬戌幼好神仙長遊名  
山從武當祖師受雲門秘法驅致雷雨立驗權孫以爲

道不在是乃入太平山闢荒結庵倒植梅櫟自盛

即揭交安

雜咏柳梅義櫟

山有黃楊天然如椅榻權孫每坐其上攝神服

氣或經旬不下一日採藥山間遇三老詔之曰藥在本  
身何勞採也權孫驚伏拜求度世術遂得金丹秘要因  
名其地爲三仙坡元皇慶癸丑年詔卽其庵建天乙祐  
聖宮賜號自然甲寅遊黃州及石版江蛻化異香繞身  
三日不息封廣惠真人遺骸在宮至今雙瞳炯炯如生  
按太平山元鐘文皇慶癸丑舊志作延祐誤又天乙  
祐聖宮作太乙亦誤

明

黃中理雙井人涪翁八世孫弱冠爲固始尉患痿痺疾乘  
官歸有神師金花君謂曰吾療汝疾愈當爲道士中理

許之七日能起行乃入九宮山主欽天瑞慶宮明太祖  
西平江漢中理迎於鄂渚應對稱旨召至南京設燕饗  
之及還曾魯宋濂俱送以詩

國朝

李德嚴原名象坤字致庵南昌人其先世名彬者以靖難  
功封豐城侯德嚴少慷慨涉獵經史知兵兼通六壬遁  
甲之術崇禎初仗劍出遊所至落落不合後聞青萊有  
警遂往應募從戎有功授先鋒營都司居歲餘與主帥  
不合棄官復遊 京師見柄政者卒枉上行奸偷竄無  
氣節太息曰天下事不可爲矣聞西湖休休子有道術  
往師焉頗得其要領復謁逍遙子於西山虎島受參同  
悟真秘旨國變居新喻東區乙酉土賊掩至圍其室數

匝室中忽發異香氤氳如霧竟日不歇賊駭散去順治  
乙未棄家入半演居爲道士己亥至武寧瓜源山中喜  
曰溪壑幽窅雲物清麗丁義吳猛故鄉也乃披荆剪莽  
結屋十餘間祀呂祖及丁吳諸仙署曰淨明堂德嚴既  
入山數十年未嘗一出篤嗜書史至老猶手錄不倦云  
釋

唐

嚴陽尊者名善信初結屋於嚴陽山至天祐間居明心寺

舊志云江西制置劉公翬明心寺居之據坐蟠石常二虎一蛇馴繞左右

及入臧建塔寺西宋淳熙時啟塔髮垂至踵指甲過臂  
初參趙州問一物不將來時如何趙州曰放下尊者  
曰既是一物不將來放下箇甚麼趙州曰放不下擔取



去遂大悟爲六祖下第五世

宋

法安禪師臨川人居延恩寺草屋數楹敗床不簣處之恬然時法雲秀秀於師爲法門兄弟說法如雲兩以書招安安發書頗以討飯養千百閑漢爲笑魯直稱其懷道遯跡靈源依之數年云如安公心無簡擇可愛可欽元豐甲子寂滅塔於寺後山魯直有銘見藝文

按法安宿延恩常與鄭山人往來黃山谷贈鄭郊詩曰開徑老禪來煮茗還尋密竹徑中歸老禪指法安蓋山谷聞清上人當來延恩因謁鄭山人問消息時作也

惟清上人自號靈源叟又號昭默邑陳氏子也童時日能誦數千言有異人過書肆見之引其手熟視謂當爲天下名僧初謁法安欲傾心受法安曰子他日苦海法船也一壑豈能容乃徧歷諸方歸黃龍晦堂久之開法於舒州之太平洪州轉運使王桓迎歸以繼晦堂徐德占黃魯直往來與語莫不屈折咨嗟以爲弗及天下士大夫想望丰采願得一見嘗謂人曰諸方所說非不美麗要知如趙昌畫花花雖逼真非真花爾元祐七年無盡居士張天覺漕江西欽慕之檄寧邑官同諸山勸請出世於隆興觀音寺命甚嚴時清寓興化不得已親出投偈辭曰無地無錐徹骨貧利生深愧之餘珍鄺中大施門難啟乞與青山養病身

按山谷集有清和尚眞贊寄清老詩三首覺範上人

有昭默禪詩序並見藝文

譚上人居龍潭寺善詩文與黃山谷友善元祐間山谷訪譚上人時天雪方霽靖公亦在坐相與談論縱橫淋漓意象豪朗名其軒曰廣心事詳古蹟

靖公喜山水窮幽闢奧與譚上人往復吟咏涪翁深重之其於武寧拄杖不一所居有靖居院又有明心寺復結茅於城內古木間曰頤庵最晚得長墅源危濤峯下爲庵旁有井甚甘冽後人名曰靖公井其山曰靖公崖達上人西峯寺沙門悟如來律比邱之意父母喪獨於墳所旦夕誦唄歲時哀慕不少息嘗白名其庵曰報慈覺範上人爲之銘

國朝

杲公禪師號東巖康熙初說法於瓜源西瓜寺以源口有崖若龍又號曰龍巖粲叟工吟咏每出山有所觸則賦詩潑墨書田舍壁意興淋漓嘗攜四侍者踏雪陟降危磴師弟步武井然人以爲仙因名其山曰雪仙山

紹嵩上人名機熊建邑陳氏子也禮瓜源口吉興寺就龍崖和尚數載旣遊江浙至湖廣蘄州三角龍門請龍崖結期坐堂三四日頓悟法門大振主持佛教

無着禪師康熙間結草庵於邑西之天河山山故險奧人跡罕及其頂有池廣數畝產荷花甚盛師入山伐薪爲柱覆以荷葉自署曰荷葉庵周植梅杏梨桃飲水噉果與虎豹同寢處恬如也時或下山爲人治病多奇中有求診者雖百計要之終不往邑人喻良弼授徒山下師

正定縣志 卷二十一  
四百九十七  
過與語良弼叩以禪理師曰人欲淨盡天理流行此禪宗也入滅時舉火自焚其庵

青雲譜之馬道者李致菴所師事也以法名道常因自呼為常住臂胛手腕脚脛腰腹皆約銅環人初叩其爐火瞳而不荅恒指耳為聾康熙丙午不飲食者旬餘乃夜索茶集眾與語畢取筆書偈而寂偈曰非恍非惚清清白白解下連環圈丟去生死窟咄清風明月 六年無說補還虧缺一對聾耳根三般真藥物與君訣我非拙靜裏守紅爐動中添活雪去來來一笑別明日異之火化火熾烟騰忽見一鶴自火盤旋烟上時露休頭道人黃鐘齋久之將燼遶青雲譜三匝向東北而逝南昌黃鐘齋并記今猶存淨明堂

